

Wantok



Namba 1907 Wan Wik Mas 10 - 16, 2011

Niuspepa Bilong Yumi Ol PNG Stret!

K1 tasol

Somare kot stat tude



SOMARE:
Mi redi.

TUDE kot bilong Paimin Minista Se Michael Somare i stat.

Aste tripela jas i kamap bipo long Gavana Jeneral, Michael Ogio, long Konedobu na tok promis long harim dispela kot.

Tripela jas em Roger Gyles, Bruce Robertson na Se Robin Auld.

Gyles husat i stap olsem siaman bilong traibunel na i bilong Australia.

Gyles i bipo jas long Australia federal kot na Robertson bilong Nu Silan i bipo jas bilong Kot ov Apil na Hai Kot bilong Nu Silan na Se Robin bilong Ingran i bipo lord jastis bilong Apil Kot bilong Ingran na Wales.

Dispela kot bai kamap long 9:30 long dispela moning long Suprim Kot Rum namba wan (1).

Husat man i gat save long sampela sut tok i ken ringim Tongia Kekebogi long telepon namba 324 5721 o long feks namba: 323 9294/ 325 7732 long Asosiet bilong Traibunel Siaman long imel edres: vlama@pngjudiciary.gov.pg

Dispela bai mekim wok painim i go insait long wok bilong Se Michael long las 10-pela yia long rot em i yusim pablik mani.

Sapos wok painim i lukim olsem paul pasin i kamap long mani namel long dispela ol yia, dispela bai mekim traibunel i askim gavman gen long askim polis long



GYLES: Painim aut.

mekim wok painim bilong em yet na sapos ripot i painim olsem i gat asua bai sasim Se Michael long ol asua.

Kamapim lidasip traibunel i long-pela rot bipo long wanpela i kisim mekimsave.

Dispela traibunel i kamap bilong mekim wok painim tasol na i bilong givim mekimsave long Se Michael.

Ripot bilong polis na toktok i go long Kot tasol bai givim mekim-save long em.

Bipo long makim bilong ol memba bilong traibunel i kamap Sif Jastis Se Salamo i tok: "Bihainim askim, dispela opis i mekim i go long Kot opis long kantri bilong



ROBERTSON: Askim pastaim.

dispela ol man, mipela i kisim tok orait na makim ol.

"Bipo long wok painim i kamapim Seksen 142 (6) bilong Mama Loa we Seksen 28 bilong Ogenik Loa long Duti na Responsibiliti bilong Lidaman i tok Lidasip Traibunel i mas kamap.

"Moa yet bikos Se Michael i holim bikpela opis long kantri, em i bikpela samting mipela i mas makim ol bikpela lain long narapela kantri long kam harim sut tok i go long em."

Long taim em i makim ol memba bilong Traibunel, Se Salamo, i tok inap long taim Ekting Pablik Prosekyuta long 16 Disemba, 2010, i



AULD: Laik save.

mekim askim long kamapim traibunel i nogat wanpela samting i stap bilong pasim opis bilong em long kamapim traibunel.

Na dispela Lidasip Traibunel i kamap tu bihainim askim bilong Ombudsmen Komisen husat i tok Se Michael i brukim loa na i asua long wanem em i no givim ripot bilong pablik mani long rot em i yusim long las 10-pela yia.

Anitit long lidasip kod Se Michael i mas oltaim givim ripot bilong mani long Komisen long wan wan yia.

Na taim em i no givim ripot Se Michael i brukim loa na olsem em i asua.

FRI
bihain
long
2pela
SMS

Salim
tupela sms.
kisim 18
Fri sms



Kisim 20 teks
long prais lo tupela
teks tasol!

Sapos yu salim
tupela teks namel
long 7am monin
na 9:59pm nait bai
yu kisim 18 teks fri
behain long em.

Digicel

Blipela, Storpela moa Network bilong PNG.

Digicel Tems na Kondisen bai stap.

PM loa man laik
pasim kot - Pes 3

Edukesen kisim bikpela helpim
long Wol benk- Pes 10

Wol nius long poto
- Pes 14 na 15

NUPELA YELO FIN TUNA

Stap nau long stua klostu long yu

wantaim lombo na soya bin wel

Namba wan kaikai bilong PNG ...

TRAIM WANPELA TUDE!

Ramu NiCo givim 30-pela nupela haus-kapa long Kurumbukari

OL PAPAGRAUN long Kurumbukari main eria we nikel na kobalt projek i stap long en i amamas stret long Tunde taim divelopa, Ramu NiCo Menesmen kampani (MCC) i givim ol 30-pela nupela kaus-kapa long Enekuai rilokesin sait.

Ramu NiCo Teknikal Dairekta, Dokta James Wang, i givim ki bilong ol dispela nupela haus i go long Waliu lokal level gavman long givim ol nupela haus i go long ol wan wan famili.

Gavana bilong Madang na memba bilong Raikos, James Gau na ol provin-sal eksekutiv bilong em na deputi bilong em Bob Wati, distrik edministreta bilong Waliu LLG, Jimmy Sekum, na ol lain bilong Mineral Risos Atoriti (MRA) na Mineral

Risos Dvelopmen Kampani (MRDC) i bin kamap long dispela seremoni.

Gavana Gau i tok amamas long dispela 30-pela famili long kisim nupela ol haus bilong ol na i askim olgeta lain papagraun long sapotim projek. Em i tok olsem dispela projek tasol i ken bringim sevis na kamapim gutpela sindaun bilong ol rurel pipel long Raikos na Usino Bundi eria.

Eksekutiv vais presiden bilong Ramu NiCo, Gu Yuxiang i tok olsem givim bilong dispela 30-pela nupela haus em wanpela bikpela driman bilong Ramu NiCo long soim tru olsem em i go wantaim Memorandum ov Agrimen (MOA) na bai moa helpim i kam yet taim main i statim wok bilong en gut.

"Mi amamas olsem dispela 30-pela famili bilong

Nokomboi, Maure, Pakaizi na Imuruba klen bai kisim helpim i kam stret long rilokesin ekse-sais," Mista Gu i tok

Mausman bilong ol Kurumbukarim Lenona Asosesin, Mista Mapikai i tok tenkyu long Ramu Nico Menesmen long bringim gutpela divelopmen na senis i go long ol pipel bilong Raikos na Usino Bundi. Em i tok kain divelopmen ya i no save kamap bipo taim planti gavman i kamap na go pinis.

Em i tok tu olsem stap bilong Ramu NiCo i bringim kamap nupela ol haus kapa bilong ol rurel pipel, gutpela wara saplai, telekomunikasin, nupela rot, pawa saplai, transport, bris, eid pos na edukesin na tu ol pipel i gat mani long sapotim sindaun bilong wan wan famili bilong ol.



AMAMAS: Meri Kurumbari, Julie Gaiva i amamas stret long sainim pepa long kisim nupela famili haus long Ramu Nico.



AMAMAS: Mama Augus Kikimbe, Gerald Rivo na Lapun Marawa i soim setifiket bilong onasip long nupela haus kapa em Ramu NiCo menesmen i givim ol. *Poto: Mathew Yakai (MCC)*

NEC tok orait long givim K3 milion i go long helpim manmeri long Nu Silan

NESENL Eksekutiv Kaunsil i tok orait long K3 milion (NZ\$1.4 milion) olsem helpim Papua Niugini i givim long helpim ol manmeri husat i kisim bagarap long gurua i kamap long Christchurch long las mun.

Praim Minista Gren Sif Se Michael Somare i tok dispela mani i liklik tasol i mak em kantri bilong mipela i givim i go long Nu Silan long soim poroman pasin tupela kantri i gat long em.

"Mipela i hap bilong bikpela ples, wanpela hevi i kamap long kantri olsem Nu Silan i givim hevi long husat narapela i stap klostu long em olsem mipela.

"PNG na Nu Silan i gat na bai skruim yet dispela gutpela poroman pasin gutpela i gat long em.

"Dispela helpim i kamap long mak bilong wok divelopmen i go long ol arapela helpim long rijinel na intanesenel level.

"Maski Nu Silan i no mekim planti nois tasol oltaim i sapotim tingting na pasin bilong stap gut na bel isi long rijen.

"Papua Niugini i sori long laip bilong ol manmeri husat i lus na husat stap bilong ol i no gutpela bikos long gurua, Se Michael i tok.

Long wanpela pas em i raitim long Praim Minista bilong Nu Silan, Honorabel John Key, bi-

hain tasol long kamap bilong gurua long Februari 22, Se Michael i salim tok sori bilong gavman na manmeri bilong PNG i go long gavman na manmeri bilong Nu Silan.

Mak bilong gurua we i kamap long namba tu bikpela siti bilong Nu Silan, Christchurch, i stap long 6.3 megnitud long Richta skel.

Inap olsem 200 manmeri i lus long dispela gurua.

"Maski helpim bilong mipela i liklik, dispela i mak bilong sori gavman na manmeri bilong PNG i gat long ol manmeri husat i lusim laip na sindaun bilong ol i bagarap long kamap bilong gurua," Se Michael i tok.

Brekfas kamapim mani bilong sponsaim ol pikinini meri skul

OL PNG MERI long dispela wik Tunde Mas 8 i bin joining ol narapela susa bilong ol long se-lebretim 100 krismas stat yet ol i kamapim Intenesenel Wimen's De.

Dispela em i de we i bin strongim ol meri long wol olsem ol i gat ol wankain rait olsem ol man na tu, ol i mas sanap strong long kontribut long ol wok divelopmen bilong kantri.

Long Mosbi, sampela oge-naisesen na kampani i bin holim sampela kain ektiviti bilong luksave long dispela de na ol meri i wok long ol oge-naisesen bilong ol.

Profesnel na Bisnis Wimen's (BPW) oge-naisesen o klab long Mosbi i bin holim brekfas bung bilong ol bisnis komyuniti long Holide In long Tunde moning yet.

BPW i bin yusim dispela

bung long resim o kamapim mani bilong klab we ol i yusim long sponsaim ol pikinini meri i go skul long sekonderi na teseri level skul.

Het tok bilong makim dispela de we Yunaitet Nesen i givim em, "Wankain sans long skul, trening, saiens na teknoloji: Rot long ol meri i kisim gutpela wok."

Ol bikmeri husat i bin toktok long dispela taim i bin toktok bi-hainim ol tingting i stap aninit long dispela het tok.

Pastaim PNG diplomat bilong PNG long Amerika na bisnis meri nau, Dame Meg Taylor, i bin toktok long bisnis divelopmen na moa meri i mas lusim infomel sekta na go long fomol sekta bisnis eria.

"Yumi mas rausim ol ol rot-blok we i save stopim ol lain i laik kirapim bisnis, rausim ol

pepa wok na helpim ol. Nau yet, i gat 6-pela rot long bi-hainim bipo wanpela i opim lokal bisnis. Tasol dispela i mas senis," Dame Meg i tok.

Bosmeri bilong AusAID long PNG, Stephanie Copus-Campbell, i bin toktok long ol bikpela helt na edukesen progrem we ol gavman bilong Australia na PNG i wok long ol long kamapim gutb kwaliti biong laip bilong ol meri, ol pikinini meri na pikinini man.

"Planti lain i wok long traim daunim turangu pasin long PNG i gat long e mol man na meri long gavman, bisnis, ol sios na komyuniti oge-naisesen. Tude em i taim bilong selebretim na glasim pasin we ol man na meri long PNG i gat wankain raiti na ol i mas sanap long wankain level," Mis Copus-Campbell i tok.

OXFORD, TOK PISIN INGLIS DIKSENERI

Katim, na pulimapim oda fom daunbila na salim i kam long Wantok Niuspepa sepos yu laik belim dispela Oxford Papua Niugini Dikseneri (Dictionary) we Wantok na Oxford i wok bung wanlaini long kamapim. Dispela buk i ken helpim yu lanim Tok Pisin i go long Ingles, o Ingles i go long Tok Pisin. Harlap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

FILE	ISBN	PRICE	QTY	TOTAL
PNG Tok Pisin English Dictionary	9780195531729	132.00		

Order to be faxed to:
 Oxford University Press
 177A-179A Woodward Drive
 Auckland 1011, New Zealand
 Tel: +64 (0) 9 307 4000
 Fax: +64 (0) 9 307 8999
 Email: order@oup.co.nz

Order to be sent to:
 Oxford University Press
 177A-179A Woodward Drive
 Auckland 1011, New Zealand
 Tel: +64 (0) 9 307 4000
 Fax: +64 (0) 9 307 8999
 Email: order@oup.co.nz

Order to be sent to:
 Oxford University Press
 177A-179A Woodward Drive
 Auckland 1011, New Zealand
 Tel: +64 (0) 9 307 4000
 Fax: +64 (0) 9 307 8999
 Email: order@oup.co.nz

FAX BACK TO: (675) 325 2579

PM loa man laik pasim kot

TUDE i de wok plen bilong Lidasip Traibunel long mekim wok painim i go insait long wok bilong Praisin Minista Se Michael Somare i stat.

Tasol i luk olsem dispela i no inap kamap gut bikos loya bilong Se Michael i pulumapim kot pepa insait long traibunel na givim long ol arapela pati long pasim kamap bilong dispela kot.

Moa yet long dispela pepa loya Kerenga Kua bilong Posman, Kua na

Aitsi loa kampani long kot i laik save long pawa Ombudsmen Komisen i kisim o i gat long askim bilong dispela traibunel i kamap.

Dispela long wanem Kua i ting Komisen i nogat kain pawa long mekim askim long mekim wok painim long Se Michael.

Pepa bilong ol nau bai go bipo long Traibunel tude.

Traibunel i kamap long wanem aninit long Lidasip Kod olgeta lidaman sapos ol i poli-

tisen o hetman o hetmeri bilong gavman dipatmen o stetutori oganaisesen i mas givim mani ripot bilong ol long wanwan yia i go long Ombudsmen Komisen.

Long Se Michael Komisen i lukim em i no bin mekim olsem long las 10-pela yia na dispela long Komisen i asua.

Kamap bilong traibunel i bihainim tasol toktok bilong duti na responsibiliti i stap long Lidasip Kod.



KUA: No save pawa ol i kisim we!



MANEK: Bai yu save.

‘Bikpela wok long Mekim’: Mondiai

Bustin Anzu i raitim

LAE siti em i wanpela ples we save mekim wok polis i go hat stret, bos bilong polis long siti i tok.

Metropolitan Superintendent Sif Superintendent Nema Mondiai i tok planti wok bisnis i kamap insait long provins na ol narapela provins bilong Hailans na Lae i save kamap olsem namel ples. Olsem na hevi bilong lo na oda igo bikpela tumas.

“Planti sosel problem i wok long kamap bikpela long wanem, igat planti wok bisnis i kamap long Lae na Morobe Provins. Na tu, Lae em namel ples bilong wokim bisnis. Olsem na hevi bilong lo na oda i wok long go antap.

“Mipela mas noken les long wok tasol mipela mas sanap strong long mekim ol wok bilong mipela wantaim wanem ol liklik samting bilong wok mipela i gat long en,” em i tok.

Em i mekim dispela toktok bihain long witnessim i go bilong olpela Superintendent bilong oporesen (supops) bilong Lae siti na namba wan rait han man bilong em, Superintendent Sylvester Euga.

Euga i lusim dispela opis na bai kamap nupela bos bilong polis long nupela provins, Jiwaka. Long Hailans.

Sia bilong supops em i givim i go long polis stesin komanda bilong Lae, Sif Inspekta Thomas Korohan. Inspekta Fred Kaiwa bai kisim ples bilong Korohan olsem eking stesin komanda.

Oposisen: sanap long sait o pinis olgeta

TUDE kot bilong Praisin Minista Se Michael Somare i stat.

Se Michael bai sanap bipo long tripela jas em Roger Gyles, Bruce Robertson na Se Robin Auld.

Gyles i bilong Australia husat bipo i jas long Australia federal kot, Robertson i bilong Nu Silan na bipo jas bilong Kot ov Apil na Hai Kot bilong Nu Silan na Se Robin Auld bilong Ingran na i bipo lord jastis bilong Apil Kot bilong Ingran na Wales.

Taim dispela i kamap, Oposisen em i no stret Se Michael i holim yet opis olsem Praisin Minista.

Long dispela wik em askim Praisin Minista Se Michael long sanap long sait o pinis long stap olsem Praisin Minista.

Deputi Oposisen Lida na Memba bilong Lae, Bart Philemon i mekim dispela askim bihainim planti ol arapela sut tok i go egens long Se Michael.

Sampela ol sut tok em:

- PRAIM Minista (PM) yet i brukim ol lo. Difens Bod bilong Inkwairi i wanpela bilong em;
- PM i pasim wok bilong Ombudsmen Komisen bihain long Komisen i askim em long em i mas givim ripot bi-



PHILEMON: plis sanap long sait?

long mani em i yusim long wanwan ol yia;

- EM i no kamapim wok painim long hevi bilong mani i pas wantaim sampela ol opisa na Memba bilong Taiwan Gavman;
- I NO kamapim wok painim long hevi i pas long mani long wok bilong timba long Singapo;
- I NO bihainim ol askim bilong Pablik Akauns Komiti bihainim long ol wok painim bilong komiti;
- I NO mekim wok painim i go insait long ol akaun long

Helt, Edukesen na Agrikalsa;

- I LARIM pasin bilong suvim man long bihainim laik bilong narapela i kamap long taim Gavman i sainim Benefit Searing Agrimen (BSA) wantaim ol developa na papagraun long wok bilong ges;
- I NO soim rispek bilong em long Palamen taim em i no save kamap long ol kibung;
- I GIAMAN long tok em i no save olsem em i gat ol sea holda long Pasifik Rejistri bilong ol Sip komiti na long ol wok bod i mekim na

Sapos ol narapela Memba bilong Palamen olsem bipo Minista bilong Fainens na Tresari na Memba bilong Aitape Patrick Pruaitch inap long sanap long sait, olsem wanem long em i no inap long mekim wankain? Oposisen i askim.

Moa yet Se Michael i askim long senisim eking pablik prosyekyuta Jim Tamate na kisim Nicholas Sambua husat i kandre bilong em.

Tasol opis bilong Praisin Minista i tok dispela i no tru long wanem i tru Sambua bilong Angoram wankain olsem Se Michael tasol Se Michael i nogat save long Sambua.

Long dispela as Sambua bai nogat planti tingting taim em i mekim wok long dispela opisa.

Moa yet Se Michael long bekim toktok bilong kamap bilong ol de bilong kibung bilong Palamen i tok Palamen i no brukim wanpela lo taim em i no bungim 63 de bilong ol kibung.

Em i tok lo long Palamen i tok Palamen bai holim ol kibung inap long 63 de.

Se Michael i tok sapos wanpela i bihainim ol de we Palamen i holim ol kibung long wanpela wik dispela bai lukim Palamen i holim kibung long foapela de tasol.

“Sori toktok bilong Palamen i holim kibung long 63 de i toktok i stap long No Man’s Len.”

“Wanpela wik i gat 7-pela de. Na long dispela Palamen i holim kibung long Tunde i go long Fraide.”

“Sapos wanpela i kaunim namba bilong ol de long namba bilong ol wik we Palamen i holim kibung em bai painim olsem namba i sot long 63 em Mama Lo i toktok long em,” Se Michael i tok.

Na long tok bilong Julian Moti, Praisin Minista i tok dispela ol toktok em kot bilong Australia i painim i nogat asua na i pinisim na PNG politik i pulim taitim yet.

Maggi

Hariap Long Kukim, Gutpela Long Kaikai

Meri dikon i lusim na go bek long Katolik Sios

WANPELA meri husat i tok em i wanpela long Katolik Sios i tok em i lusim dispela na luksave long ol skul bilong sios olsem ol meri i no inap long kisim odinesen long kamap dikon o pater o bisop.

Norman Jean Coon pastaim i bin memba bilong ogenesesen long ol Roman Katolik meri

pater i bin autim tingting bilong em long intanet na tok em i luksave long atoriti bilong Pop long ol dispela samting na tu, Jisas i bin kirapim odinesen bilong ol man tasol.

Coon i marit na i gat 5-pela pikinini i bin kisim odinesen long kamnap meri pater long wanpela seremoni long Santa Barbara long Julai 2007.

Ol bin kirapim dispela ogenesesen, Roman Katolik meri pater, long Yurop lon g 2007 na nau ol i tok ol i gat 8-pela bisop na moa long 80 peter na dikon long olgeta hap bilong wol.

Long stetmen bilong em, em bin tok em i lusim ogenesesen na tok sori long ol lain we em bin givim ol hevi taim em i bin go insait long grup na kisim odinesen.

Na em i bin askim God long pogivim em long asua em bin mekim na pre long blesing long ol pasto, ol pater, ol bisop long Rom husat i helpim em i kam bek long sios.

Em bin pre tu long Amerika i mas gat moa pater long mekim wok bilong sios.

Stori i kam long Zenit Nius Ejensi, Vatiken

Aislen Lutheran Sios givim helpim

AILAN kantri long Not Atlantik Osen long Yurop em Aislen (Iceland) i bin namba wan kantri long wol we hevi long mani wol i bin bungim stat long yia 2008 i bin bagarapim tru na pondau-nim wok mani bilong Aislen. Dispela mani hevi i bin kamapim hevi long ol bikipela wol mani kantri olsem Amerika, ol kantri long Yurop na moa.

Taun bilong Keflavik long sautwes Aislen i namba wan long bungim hevi bilong mani long wol na i bin pondau-nim. Pastaim em bin wanpela gutpela pising na industriyel taun we ol wok i ron gut na i save givim sevis i go long wanpela nevi militeri beis bilong Amerika klostu. Nau samting olsem 17 pesen pipel long taun i nogat wok, pis bisnis i go long narapela hap, nevi beis bilong ol Amerika i pas na ol narapela bisnis i pas.



SALIM BILONG HELPIM: Evanjelikel Lutheran Sios long Aislen (Iceland) we Reveren Skuli S Olafsson (namel) na ol voluntia i salim pis bilong helpim resim fan bilong Keflavik komyuniti. *Poto: Lutheran World Information megesin*

ELC Sios long Aislen oltaim i save helpim ol komyuniti bilong em taim ol kain hevi i kamap. Reveren Skuli Olafsson

husat i go pas long ol pasto, ol sios woka na ol voluntia, i tok ol i yusim sevan lidasip rot long helpim komyuniti.

Em i tok dispela kain samting i no kamapim hevi long mani tasol long ol narapela eria olsem sosel na long het na tingting bilong man.

Reveren Olafsson i tok populesen i lukim ol yet olsem dispela hevi ol i bungim em i no ol yet i kamapim, tasol ol i stap long bikipela hevi tumas.

Taim dispela hevi i bin stat long yia 2008, sampela volantia long kongrikesen i bin statim wanpela welfea fan na komyuniti i lukim dispela em i gutpela sans we ol tu i ken helpim long putim liklik mani long en na helpim ol yet.

GLASIM TOK
WANTAIM
Fr Lollington Wiam



Lenten em wanem?

LEN EM taim bilong fas o hapim kaikai na beten na tu; em taim bilong traim. Len em taim bilong tambuim sampela samting yumi mekim i save bagarapim Kristien laip bilong yumi na tok yes long Jisas.

Bikipela samting em tok yes long Jisas na i no long satan. Len em taim bilong wanwan sios long strongim sios memba bilong ol long lukim ol yet olsem ol i nap redi gut long bungim diwai kros. Mak bilong Len em taim bilong glasim insait long Kristen laip bilong yumi yet, taim bilong tok sori long ol pasin nogut yumi mekim na taim bilong luksave na stretim yumi yet, taim bilong stadi na taim bilong givim.

Yumi ken glasim Santu Luk 4: 1- 13. Jisas i go long ples drai na i stap 40 de na 40 nait long fas na pre na satan i bin traim em long tripela taim. Yumi go bek long Jeneses, Adam, Satan i traim em na em i pundaun, tasol nau Adam em Jisas, satan i traim em tripela taim na Jisas i no tok yes, nogat em tok no na i win. Satan i laik bagarapim wok bilong God tasol Jisas i win. Long Kristen laip bilong yumi tu traim i save kamap. Na planti taim yumi save tok yes tasol na yumi lukim sindaun na wok bilong Kristen laip i bagarap. Panti taim yumi save givim we long satan long bosim laip bilong yumi. i moa gutpela yumi mas sindaun na mekim disisen gut na mas tok no long satan na yes long Jisas. Em bai yu inap winim ol traim na pas wantaim bilip na redi long dai na kirap wantaim Jisas.

Olsem na Len em taim bilong Selp eksaminen na ripentens long prea, fasting na mediteit long Gutnius.

have you tried Corned Tuna?

NEW

DIANA

Corned Tuna

Kids will surely love it.

*The taste
of Corned Beef
and Tinned Tuna
in one!*



Serving Suggestion



Manufactured by:
RD Tuna Canners Ltd.
PO Box 2113, Madang,
Papua New Guinea

Wok painimaut mas kamap long Kwikila Helt hausing projek

I GAT singaut long wok painimaut i mas kamap long ol bikman bihainim Kwikila Helt senta bildim haus bilong ol wokman projek i no pinis, maski ol bin statim dispela projek wanpela yia i go pinis nau.

Tu, sapos nogat gutpela ansa i kamap, moa long 20 helt woklain long Kwikila Helt Senta we i lukautim moa long 40,000 pipel insait long Rigo distrik, bai lusim wok long dispela Sarere Mas 12 long autim bel hevi bilong ol inap ol atoriti i wokim samting long pinisim ol haus.

Moa long 20-pela haus sik woklain wantaim ol famili bilong ol i nogat gutpela haus bilong stap long en bihain long ol woklain bilong Konevila Konstraksen kampani i bin brukim ol haus bilong ol na long wanpela yia nau, ol wantaim ol famili bilong ol i slip long ol haus kenvas. Tasol nau ol i bruk bruk i stap na i no gutpela bikos ol famili memba i wok long sik na dai i kamap pinis taim ol i stap long ol kenvas haus olsem longpela taim.

Nesanel presiden bilong PNG

Komyuniti Helt Wokas Asosiesen (CHWA), Dec Isaac, i tok i nogat gutpela plening long Kwikila Helt senta hausing projek na ol woklain i bungim hevi tasol ol i mekim wok yet long sevim ol siklain.

Mis Isaac i tok ol opisa bilong Nesanel Helt Dipatmen i bin go sekim projek long las wik na soim olsem ol 14-pela haus we ol bin wok long en wantaim moa long K3 milion manimak i no pinis gut yet na nau ol woklain na bos bilong Konevila Konstraksen kampani i lusim wok na i go pinis.

"Sawa na toilet blok i no pinis yet, ol kapbot insait long ol haus i no yet, wara na pawa i no konek yet, ol i no putim vanis long plua na ol i no pinisim ol ilektrel waiaring long ol haus," Mis Isaac i tok.

Em i tok Konevila Konstraksen kampani i lusim pinis wok bikos i nogat moa mani na nau, ol anis i stat pinis long bagarapim ol 14-pela haus we i no pinis yet.

Em i tok sefti na helt bilong ol woklain na ol famili bilong ol i bikpela samting long wanem, ol no inap stap long ol kenvas haus bikos ol i wok long bruk, bagarap

na i laik pondaun.

Olsem n a em i singaut long wanpela wok painim i mas kamap hariap long ol lida long hausing projek olsem Rigo memba Arnold Pala, Rigo Distrik edministreta, Kwikila Helt Senta helt kodineta na dairekta bilong Konevila Konstraksen kampani.

Em i tok Sentrel provinsel edministresen i gat tok long larim samting long Kwikila Helt senta hausing projek i go olsem. Na PNG Komyuniti Helt Wokas Yunien bai glasim wok bilong provinsel edministreta na helt edvaisesa watpo ol i larim dispela samting i kamap.

Sampela toktok we Wantok i kisim i tok sampela korapsen i kamap long paulim sampela mani bilong projek na olsem, wok long dispela projek i sapos long kisim 6-pela mun tasol long pinisim long las yia Oktoba i no pinis yet.

Ol toktok i tok tu olsem ol no bin bihainim stretpela ot bilong putim dispela projek i go aut long tenda tasol wokim wantok sistem long givim kontrak i go long Konevila Konstraksen kampani.

Longlong No Gut (LNG)



Lukim plan i man i lusim viles laip nau bilong go stretim tok, sainim MOU o kisim mani bilong LNG. Ol i bin raun long Kokopo, Pot Mosbi, na long arapela ples. Nogat man o loa i kontrolim ol. Ol i lusim mer i na pikinini i stap long ples. Ol i raun nau olsem ol singel man. Ol i bihainim laik bilong ol yet. Ol i slip long hotel. Paus bilong ol i pulap long ol kina. Ol i raun long ol nait klab na spak na pat i na raun wantaim ol "gut taim" meri. Em rot bilong kisim HIV nau na planti bin karim sik HIV i go bek long meri bilong ol long ples.

WANPELA is i we bilong pinisim lain pipel long wanpela ples em bilong givim sik long ol. Givim sik long wanpela o tupela man na ol i go bek long ples na givim dispela sik long ol lain bilong ples, i no long taim na bai planti i bagarap long dispela sik. Yumi lukim dispela samting i kamap long PNG long kain sik olsem malaria, TB, kus, STI's na nau HIV. Mi laik stori long HIV.

Long kontrolim sik yumi mas kontrolim man pastaim. Hia long Pot Mosb i nau mipela i wok long kontrolim sik kolera. I gat sampela loa mipela olgeta i mas bihainim long waswas na stap klin, long yusim toilet, long wasin kaika i b i ogeta taim kaikai i klin tasol. Tu, mas kontrolim wokabaut bilong man. Nogut em miks wantaim ol siklain o waswas long si-wara na kisim sik. Skul i go aut na i luk olsem planti i harim tok na komyuniti i wok long kontrolim dispela sik kolera hia long Pot Mosbi.

Long kontrolim HIV, yu mas kontrolim man pastaim. Man i pamuk nabaut em rot bilong indai. Long dispela nupela wok-LNG m i skelim olsem – man i "out of control" na planti i tok pinis bai HIV i kamap bikpela tru na bai yu i kisim bikpela hevi. Olsem na mi kolim dispela wok LNG, Longlong No Gut.

Yu no ken lusim man long viles laip na famil i kontrol- givim em bikpela hap man i nating - na larim em i lus nating long taun. Bai em yet i paul o siti-lain bai paulim em. Mosb i i pulap long stori long ol man i paul nabaut nau. Na pamuk pasin i no isi. LNG ba i kilim planti nau.

LNG em nupela giaman god bilong PNG. Ol ausait saveman bilong wol i pret bikos ol i lukim ol pipel na kantri i no red i gut long dispela nupela samting. Planti i tok em rot bilong mani na kamap ris. Tru, sampela ba i pulim planti mani, tasol planti nogat. Tasol mani i nogut sapos pipel i sik na i wok long bagarap. Na namba wan wok kantri i mas mekin em bilong kontrolim HIV. LNG na arapela bisnis i ken kam bihain

Gavaman i tok long LNG na Vision 2050. I luk olsem, planti man i go bihainim gris-mani bilong LNG ba i ol i no lukim 2050. Bai ol i no stap!

Ol rurel haus sik bilong CMC laikim dokta

TAIM SIOS Medikel Kaunsel (CMC) i amamas long gutpela toktok i kamap namel long ol na Helt Dipatmen, i gat nid long ol dokta long ol haus sik i kam aninit long ol sios long ol rurel eria.

Siaman bilong CMC, Wallace Kintak, i tok olsem bihainim wanpela bung bilong ol wantaim Helt Sekreteri, Dokta Clement Malau na 7-pela eksekutiv menesmen tim bilong em taim CMS i holim anuel jenerel bung bilong em long Mosbi las wik.

Mista Kintak i tok ol haus sik na helt senta i kam aninit long ol sios long ol rurel eria bilong PNG i laikim ol dokta bilong wok long ol.

Em i tok Nesanel Dipatmen bilong Helt bai lukim olsem ol rurel helt haus sik na helt senta In apim ol rikwaiamen na stendet we bai mekim ol helt woklain na ol dokta i go wok long ol.

Mista Kintak i makim CMC na autim tok amamas long Nesanel Helt Dipatmen tim i go sindaun

wantaim ol na toktok long kamapim gut wok long kisim helt sevis i go aut long pipel, serim infomesen, strongim wok patna namel long ol we bai helpim ol long karimaut gut wok i go long narapela level.

"Mi amamas long nupela menesmen tim long Nesanel Helt Dipatmen we Dokta Malau i go pas long en i luksave olsem long kamapim gut helt sevis long PNG, mipela i mas strongim mipela long gutpela tingting na tokim mipela olsem bai mipela i karimaut ol wok gut, maski ol salens i stap," Mista Kintak i tok.

Em i tok long planti yia, i no bin gat wanpela gutpela sindaun na toktok amel long CMC na ol bikman long Helt Dipatmen na dispela sans i bin gutpela stret na ol bin inap long toktok long planti samting, moa yet, long go hetim nupela Nesanel Helt Plen.

Mista Kintak i tok long dispela bung, tupela grup i bin toktok long ol bikpela samting olsem helt stendet, pipel i mas gat rot

long kisim ol helt sevis, humen risos trening, pe we ol sios helt woklain na helt dipatmen woklain i no save kisim wankain pe mak.

"Dispela em i namba wan taim bihainim planti yia i ron i go pinis we eksekutiv tim bilong Nesanel Helt Dipatmen em sekreteri i go pas long en i bin gat gutpela toktok wantaim eksekutiv tim bilong CMC," Mista Kintak i tok.

Madang helt sevis kisim K5.5 milion helpim long Insentiv Fan

HELT sevis insait long ol rurel eria long Madang provins bai lukim sampela gutpela samting i kamap wantaim K5.5 milion em gavman bilong Australia i givim aninit long Insentiv Fan bilong em.

Gavman bilong Australia i givim klostu K14 milion long tupela edukesen na helt projek long Madang provins.

Dispela K5.5 milion bai go long ol helt projek long apgretim sampela ol helt senta na etpos i stap long ol longwe ples olsem long Midel Ramu (Josephtaal, Annanberg na Kwanga), Bogia (Malala na Dina), Sumkar (Mugil) na Madang (Aleksihafen, Utu na Rivo).

Fanding i fokas long ribildim na apgretim ol bilding long ol helt senta olsem ol haus bilong ol woklain, ol klinik na etpos bilding i bagarap pinis.

Na K8.3 milion edukesen projek bai go long bildim 5-pela nupela hasu slip bilong 320 sumatin long Divain Wod Yunivesiti (DWU). Tripela long ol bilding em 192 meri sumatin bai slip long en taim narapela tupela em 128 sumatin man bai slip long ol.

Insentiv Fan i patnasip namel long gavman bilong Australia na PNG i givim dispela mani i go long sapatim DWU na Madang Katolik Helt sevis long kamapim gut ol helt na edukesne sevis long ol pipel bilong Madang na PNG.

Dispela fanding i bikpela samting long DWU taim ol i ofaim teseri edukesen sevis na sapatim PNG gavman long luksave long ol gol bilong em long kamapim moa savelain (humen risos) olsem i stap long PNG Visen 2050 na Developmen Stretijik Plen 2010-2030.



Ol yut mas bung long adresim ol strongpela isu...

SERIM TINGTING: Ol yanpela yut bilong wol i bung long wanpela samit na serim aidia na tingting long globel komyuniti. Dispela bung i bin kamap long JB Samit long Rome Italy long Julai 6, 2009. Dispela kain wok bung bilong ol yut mas kamap olgeta hia long Papua Niugini we ol yut mas adresim sampela ol strongpela isu long komyuniti na stretim gut sindaun bilong ol. **Poto: UNICEF**

Intenesenel De bilong ol Meri

TUNDE MAS 8 long dispela wik i bin lukim wol i selebretim Intanesenel De bilong ol Meri (IWD) long luksave long ol wok kamap ol meri i mekim long sait bilong wok mani, politikel na sosel sait. Het tok bilong de long dispela yia em, "Olgeta i mas gat sans long kisim skul, trening na saiens na teknoloji: Rot long ol meri kisim gutpela wok.



Yut, Meri na Famili wantaim Lorraine Siraba

Long planti kantri, ol man na meri wantaim i sanap long wankain level we wankain mak bilong ol manki man na meri i stap long skul. Tasol long haia edukesen level, i no wankain bikos long sampela pikinini meri i save bel na lusim skul, HIV/AIDS, mani sot long salim ol meri long skruim skul na tumbuna pasin long PNG we i nogat luksave tumas long ol meri i save mekim sampela pikinini meri i no skruim skul bilong ol. Taim i gat luksave long man na meri i sanap long wankain level sapos ol pikinini meri i kisim skul long saiens na nupela teknoloji na mekim wankain wok olsem ol man, ating PNG bai luksave long 50 pesen bilong populesen we em i no mekim gutpela yus long en. Edukesen em i bikipela samting tru bai kamapim gut laip na sindaun bilong ol meri long sosaiti na kantri. Taim meri i skul, em i skruim save long wol ausait, lukautim helt bilong famili, wok na strong long sanap long ol salens bilong laip. Planti pipel na moa yet, ol meri i nogat spes o sans long skul na planti moa yet i no kisim gutpela laining long redim ol long wok long 21 senseri. Bikos PNG i wok long gat planti wok long maining, wel, ges na moa yet, Likwifaid Neturel Ges (LNG) projek, em i bikipela sam-

ing olsem ol pikinini meri i kisim gutpela skul olsem long saiens, teknoloji na Infomesen teknoloji na ol i ken kontribiut long gro bilong wok mani na ol narapela developmen eria bilong kantri. PNG i mas luksave olsem saiens, teknoloji na enjiniaring na risets wok em ol bikipela samting we i stiaim rot ol kantri na wol i go long em tude na wokim ol strateji o ol plen we bai sapatim strong ol meri tu long stadi long ol dispela eria. Narapela rot long opim wei long ol meri long saiens na teknoloji em long ol risets lain i wok longpela taim bilong sapatim ol yangpela meri saientis long raitim ol ripot pepa na ol bai putim long ol saiens na medikel megesin. Bikos risets i bikipela samting long wol tude, i moabeta long gavman i givim inap mani sapat long ol risets institusen na ol yunivesiti bilong yumi long kamap gutpela kwaliti risets wok na tu, fomim ol netwok bilong ol meri long saiens na teknoloji i ken wok bung na serim ol wok na tingting. I moabeta long yumi ol papamama i mas gat bilip long ol pikinini meri bilong yumi na sapatim na givim ol sans long gat interes long saiens na teknoloji subjek long skul bikos dispela ol eria tu i ken givim salens long ol pikinini na ol i tingting hat taim ol i yangpela yet. Taim yumi tingting na luksave olsem ol dispela eria i bikipela long sait bilong developmen, yumi ken opim ol dua long ol meri na ol gels long gat sans long lainim saiens na a teknoloji long skul.

Meri na yut kisim klostu US\$19 milion helpim

MERI, yut na ol pikinini long PNG bai kisim helpim i kam long Wol Benk wantaim samting olsem US\$18.9 milion bai go long ol projek.

Dispela mani em i hap long K42.5 milion we PNG bai kisim bihain long Wol Benk na PNG i sainim wanpela agrimen long las wik Fonde long Pot Mosbi. Wantaim helpim we Wol Benk i laik givim long ol meri na yut, narapela eria we hap bilong dispela bikipela mani i go long en em long ol edukesen sevis we i mas go long pipel. Bikipela as tingtign we Wol Benk i givim helpim mani em i laikim bai ol sevis i go gut long ol pipel na tu, sapatim ol meri na yut i go insait long ol wok long helpim kantri i go

het gut. Wol Benk Kantri Dairekta bilong PNG, Timor Leste na ol Pasifik Ailan em, Ferid Belhaj, wantaim Praim Minista Se Michael Somare i na Treseri na Fainens Minister Peter O'Neil i bin kamap na sainim dispela agrimen. Foapela projek we dispela mani bai fandim em: • Eben Yut Emploimen Projek i kisim US\$15.8 milion Intanesenel Developmen konsesenel Loun (IDA) na narapela US\$600,000 gren mani i kam long Korea Tras Fan we Wol Benk i save lukautim. Dispela projek bai edresim o daunim 4-pela ki isu olsem poveti o pasin bilong stap turangu, emploimen o putim ol yut na meri long wok, humen kapital developmen na ol samting long

sosel sait i stap orait. Dispela program bai givim trening na ol wok long liklik taim i go long samting olsem 17,500 ol yangpela man na meri long Mosbi siti na helpim ol i luksave long samting ol i ken mekim long redim ol long wok. • Inklusiv Developmen long Pos Konplik Bogenvil Projek bai helpim tru ol ogenaisesen bilong ol meri long Bogenvil na moa yet, long ol eria we ol projek bai ron long en long sait bilong trening na givim ol liklik gren mani bilong karimaut ol liklik projek. Na tu, long kamapim bikipela ol komyuniti developmen wok we moa meri i stap insait long sait bilong plening ne mekim ol disisen. Bipo long Bogenvil pait, ol meri long hap i save go pas long mekim ol disisen long komyuniti level na ol i bin ki ejen long developmen. Tu, ol meri i bin holim bikipela posisen logn family na komyuniti, tasol pait i mekim na nau ol meri i no stap tumas long disisen mekim level. Stet na Pis Biding Fan i fandim dispela projek wantaim US\$2.5 milion. Narapela tupela em ol edukesen projek olsem Riding Edukesen Projek n a Fleksibel na Open Distens Edukesen Projek i kisim US\$24.2 milion long karimaut. Toktok i kam long Wol Benk opis long Mosbi i tok PNG i wanpela yangpela kantri wantaim planti wanpisin, tokples na kalsa. Na kantri i gat bikipela mak bilong ol yangpela pipel aninit long 20 kris-mas we planti i nogat skul na wok na ol i kamap olsem ol turangu lain insait long ol taun na siti. Olsem na sapatim na givim trening long ol grup we planti taim ol i no save bisi long ol, na givim ol trening, edukesen na wok i bikipela samting long gutpela developmen i kamap long sosel sait. "Wol Benk na gavman bilong PNGi gat wok long givim moa sans long ol "marginalized" grup we ol bikman i no save lukluk tumas long helpim ol," Mista Belhaj i tok. Em i tok ol projek i makim gutpela wokpren we i wok long groa namel long Wol Benk na PNG na komitmen bilong ol long wok bung wantaim na sampela gutpela senis na samting i ken kamap long ol pipel na kantri.



GAT KIK: Maski skul na ples i stap longwe long taun, kain stap, bilas na stail bilong ol sumatin na pipel we fasen so i soim olsem ol tu i stap insait long ol nupela senis i kamap tude long kantri bilong yumi. Dispela sumatin i soim kesuel stail dres we planti yangpela bilong tude i werim.

Poto: Veronica Hatutasi

GLOBE MACKEREL

*More Easy
More Tasty
More Energy*

GLOBEthe perfect choice

Edukesen kisim bikpela helpim mani long Wol Benk

EDUKESAN sekta long kantri bai kisim moa long US\$24 milion helpim i kam long Wol Beng, bi-hainim wanpela fainens agrimen Wol benk na PNG gavman i bin sainim long las wik Fraide long Mosbi.

Dispela mani bai go long kari-maut ol wok long tupela edukesen projek.

Wanpela em Riding Edukesen projek bai kisim US\$19.2 milion na Fleksibel na Open Distens Edukesen projek bai kisim US\$5 milion.

Wol Benk opis i tok as tingting bilong Riding Edukesen projek i bilong helpim ol sumatin long elementeri na praimer skul level i lainim, kamapim gut na strongim

riding skil bilong ol.

Em i tok moa tu olsem bilong kamapim dispela, mani bai go long sanapim ol skul laibreri bilding long ol skul na ol narapela skul metiriel na long helpim tu wanmtaim trening bilong ol tisa.

Long sait bilong Fleksibel na Open Distens Lening projek (FODE), dispela bai helpim ol apa

praimer na sekonderi level sumatin i kamapim gut laining bilong ol.

Projek bai kamapim gut kwaliti bilong ol kurikulum long olgeta FODE senta, taim long ol sumatin na ol tuta o tisa taim, lainim ol nupela teknoloji bai kamapim gut wok na daunim kos ol sumatin i tromoim long mekim kos.

Treseri na Fainens ministra, Peter O'Neill i tok gavman i luksave long drop aut o ol sumatin i save lusim skul mak long PNG i bikpela wari long edukesen sistem long PNG, tasol aninit long 10-pela yia Edukesen Plen bilong 2005-2014, ol i lukluk long kamapim gut drop aut level.

Intanet i bikpela samting long helpim wok developmen

IDIVAIN Wod Yunivesiti (DWU) i kisim tok amamas na luksave long Praim Minista Se Michael Somare long kontribusen long kamapim ol gutpela save wok manmeri husat i wok long kontribut long ol wok developmen bilong kantri.

Na tu, long ol wok patna we i strongim long kamapim gut kwaliti bilong haia edukesen long PNG.

Se Michael i bin wokim ol dispela toktok long namba 29 DWU greduesen long Madang las wik Sande we 1,460 sumatin i bin greduet bihain long ol i pinisim ol skul bilong ol na kisim ol diploma, digri na Masta bilong ol.

Olgeta hotel, risot, motel nages haus long Madang i bin pulap long ol papamama, ol sumatin, ol pren, wantok na ol ges husat i bin go long gredu-

sen seremoni. Na long Sande, DWU graun i bin pulap kapsait bikos em bin greduesen de.

Se Michael i bin toktok long intanet olsem em i bikpela samting long wol tude we ol haia lening institute na ol yunivesiti i mas gat na lainim long toktok na stap long wankain level wantaim wol, karimaut ol risets wok na kamapim gut ol wok long tred na ikonomi.

"Save long infomesen na komyunikesen taim i helpim gut gro bilong wok mani na developmen. Ol lain husat i no stap long level bilong yusim saiens na teknoloji bai no inap long wok bun go toktok wantaim ol narapela kantri olsem ol ikwal patna na ol bai stap long baksait bilong ol kantri i develop pinis.

"Yusim intanet long karimaut ol wok risets, tising na lainim i save

bildim save na wok bilong pipel. Em save kamapim ol sans long wok, na divelopim ol nesenel entaprais.

Em i strongim ol gutpela savelain na risets lain long wok hia insait long kantri bikos ol i no inap lusim kantri long mekimol risets wokj long wanem, intanet i stap. Em i save kontribut long serim save na sapatim pipel na moa yet, ol meri," Se Michael i tok.

Em bin autim tok amamas long ol woklain na sumatin bilong DWU i yusim ol kompyuta, data-beis, intanet na email.

"Mi tok amamas long long presiden bilong DWU na ol woklain long baim ol leptop kompyuta long ol sumatin bilong helpim ol i karimaut ol wok, risets na lainim.



STRONGIM MERI PROGRAM: Ol meri iwantaim sampela ol meri bai statim skul long 6-pela mun kos. *Poto: Dijisel Media*

Kos bai skulim ol meri

STRONGIM ol Meri em wanpela nupela program we Dijisel Faundes i bin lonsim long dispela wik Mande bai helpim ol meri long kisim save long mekim ol wok bai helpim ol long laip na sindaun, save long rit na rait na kamapim mani.

Program bai stat wantaim ol meri husat i no kisim sapat tumas olsem ol setelmen na ol narapela eria.

Ginigoada Bisnis Di-

velopmen Faundesen bai patna wantaim Dijisel Faundes long kari-maut ol program.

Ol meri bai lainim ol samting olsem besik literesi, numeresi o ol namba, helt na haijin, lukautim famili, hendikraf, kuk na somap. Ol meri i yangpela na ol bikpela meri bilong Vabukori, Tasion Polis Bareks, Jun Veli, 5 Mail na Gaden Hils i sindaun long kos.

Dispela kos bai ron long 6-pela mun inap long mun Julai na moa long 300 pipel i putim pinis nem bilong ol long wokim kos.

Kos i ron long hap we Ginigoada i gat wanpela program, "Young Life Bus program we i save skulim ol pikinini long ol dispela komyuniti husat i no gat sans long go insait long fomol edukesen sistem.

Japan helpim skul wantaim K211,891

SEN MICHAEL'S Katolik Praimeri skul long Westen Hailans provins i kisim klostu K212,000 long dispela wik i kam long gavman bilong Japan long helpim ol sumatin wantaim laining na gutpela sindaun bilong ol tisa.

Wantaim d manimak inap long K211,891.000, skul bai sanapim tripela nupela dabel klasrum na tripela teng wara.

Ambaseda bilong Japan long PNG, Hiroharu Iwasaki, na wanpela man i makim Sen Michael's Katolik Praimeri skul, i bin sainim projek agrimen

long Mosbi long dispela wik Mande.

Ambaseda Iwasaki i bin tok amamas long dispela skul long wanem, ol bin makim em olsem skul i kisim helpim long Japan Gren Asistens bilong ol Grasrut Humen Sekyuriti Projek (GGP) long 2010 mani yia.

Em i bilip tu olsem saining bilong ol kon-trek gren bai strongim moa yet wok pren namel long Japan na PNG na pren pasin ol i gat we i strongpela pinis.

Ambaseda Iwasaki i in tok dispela projek bai helpim gut ol sumatin

na ol bai gat spes long sindaun gut na lainim na mekim ol skul wok bilong ol.

I kam inap nau, planti pikinini tumas na i nogat spes. Olsem ol i save paspas na dispela i mekim hat long stadi na mekim gut ol skul wok. Tu, ol klasrum i wok long bagarap.

Dispela helpim we Japan i givim long Sen Michael's i wanpela long ol planti helpim we gavman bilong Japan i givim long kamapim gut ol edukesen sevis na gavman bilong PNG i lukim olsem bikpela samting long developmen bilong kantri.

SCHOLARSHIPS TO AUSTRALIA AND NEW ZEALAND IN 2012

The following scholarships are available to Papua New Guineans to study in Australia or New Zealand in 2012:

- Australian Development Scholarships (ADS) (Public/Open)**
- Australian Leadership Awards Scholarships (ALAS)**
- New Zealand Pacific Scholarships (NZPS) (Public/Open)**

Applicants should note changes to the scholarships awards this year:

- There is a new, combined **Application Form** for Australian and New Zealand scholarships for 2012, A
- Applicants for **Australian Leadership Awards Scholarships** also use this same form.
- All applicants** must submit an Application Form to Scholarships PNG.
- Public category** applicants must submit both a Bid Form to the Department of Personnel Management and an Application Form to Scholarships PNG.
- Eligibility criteria** for scholarships have changed.

Further information is available from Scholarships PNG.

Scholarship applicants must ensure the study they are considering is in line with their qualifications and experience, and consistent with the priorities of the Government of Papua New Guinea. Preferred study areas are: Health, Education (including Higher Education and TVET), Agriculture, Governance and Public Sector Management, Oil and Gas, Mining, Law and Justice, Information Communication Technology, Transport Rehabilitation and Maintenance and Utilities.

Women, people from the provinces, people with disabilities and their carers and associates are encouraged to apply.

It is important that applicants research their proposed courses to ensure they satisfy the requirements of the institutions where they plan to study.

A minimum English Language test score is required by all New Zealand and some Australian institutions. Applicants are advised to know the English language requirements for the course they are considering and be able to meet them. Information on language skills development and practice tests is available on the website www.ielts.org or from Scholarships PNG.

Application forms with further information are widely available from Scholarships PNG, selected PNG Post Offices, the National Training Council, the Department of Personnel Management, University campuses, Provincial Administration Offices, The Chamber of Commerce, the Chamber of Mines and Petroleum and major hospitals.

Further information is on the AusAID website www.ausaid.gov.au/scholar/ and the NZ Aid Programme website www.nzaid.govt.nz/scholarships.

Information sessions will be held in:

Madang (10 March 2011) at Madang Resort
Goroka (10 March 2011) at the Bird of Paradise Hotel
Kokopo (16 March 2011) at Kokopo Beach Bungalows.

Two information sessions will be held on each of these dates, from **10am to noon** and from **1pm to 3pm**.

Applicants are invited to visit the Scholarships PNG Resource Centre at Level 1, Post Office Port Moresby or to forward enquiries to:

Scholarships Coordinator, SCHOLARSHIPS PNG
Telephone 3211766
Email: scholarships@scholarships.org.pg

Or log-on to: www.scholarships.org.pg

Scholarship applications for ADS, ALAS and NZPS close on 31 March 2011.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Pati bilong Samoa PM i lus bikpela long eleksen

LONG nesanel ileksen long Samoa, wanpela pati em i bim strong long gavman, Human Rights Protection Party, i bin lusim planti memba tru, tasol em bai holim pawa yet.

Australia Network Pacific niusman Sean Dorney i ripot olsem, wanpela nupela oposisen pati em ol i no bin save tumas long en, nau i kam aut long ileksen olsem wanpela strongpela lain long Samoa politik.

Human Rights Protection Party bilong Samoa Praim Minista Tuila'epa Sa'ilele, i bin holim 35 long olgeta 49 sia insait long olpela palamen, na em i bin tok, ol bai apim dispela namba i go long 40 long dispela ileksen.

Tasol namba bilong em i pundaun i go bek long 29, we em i makim majoriti o bikpela namba yet.

Tautua Party, em i stap long Oposisen, em ol i no bin luksave tru long en long olpela Palamen, i bin winim 13 sia taim ol indipenden memba i kisim sevenpela.

Namel yet long lain bilong em stret, Praim Minista Tuil'epa bai mas wok nau wantaim sampela nupela pes.

Pati bilong em i bin putim foapela kendidet olgeta long sampela sia na sampela long ol siting memba bilong em i bin lus na ol memba bilong ol narapela pati i bin win.

I luk olsem ol vota i rausim moa long hap long olpela memba bilong Palamen.

Christchurch bagarap bai kostim moa long 8 bilian US dola

TRESARI Dipatmen bilong Nu Silan i tok ol bagarap gurua i kamapim long Christchurch klostu tupela wik i go pinis, bai kostim kantri moa long 8 bilian US dola.

Long ripot bilong em bilong dispela mun i pinis, Tresari i skelim olsem, GDP bai groa long samting olsem wan na hap pesen tamblo long 2011 kalenda yia bikos long dispela gurua.

Tresari i bin skelim bipo olsem, GDP bai go antap long 3 pesen long 2011.

Tasol dipatmen i wok long tok, ekonomi bai kamap strong long yia bihain taim ol i statim ol wok bilong kirapim bek Christchurch.

Sydney Polis sasim NRL pilaia long paitim narapela man

OL i bin sasim Australia Nesanel Ragbi Lig pilaia, Benji Marshall, long paitim narapela bihain long wanpela pait long Sidni.

Ol pipel i lukim dispela pait i tok dispela faiv et bilong Wests Tigers i bin go long Nort Sidni Polis Stesen long samting olsem tu kilok long apinun, na wanpela awa bihain, bos bilong Wests Tigers klab, Stephen Humphries, i bin tokim ol midia lain olsem, ol i sasim pinis Benji Marshall, i gat 26 krismas long asol, o paitim narapela man.

Bihain, Marshall, wantaim tupela arapela man, i bin lusim polis stesen na spit i go pinis long wanpela kar na i no toktok wantaim midia.

Ol tokwin i kamap olsem, em na narapela man i bin solapim pes bilong narapela man, krismas bilong em 24, ausait long wanpela haus kaikai long Sidni dispela wik.

Haiwara long Townsville Australia



BAGARAP: Wanpela meri long wanpela liklik ples long Townsville Australia i sanap na sekim dip bilong wara we i kamapim ples bihain long bikpela ren i kamdaun na bagarapim ples.

Ol i ting dispela pait i bin kamap bihain long wanpela lain man i bin tromoi sampela tok nogut long Marshall.

Mista Humphries i tok ol pilaia bilong em bai toktok nau wantaim ol loya bilong em.

Australia i sapatim 2011 developmen plen bilong Filipins

AUSTRALIA i tok em i sapatim Filipins Developmen Plen bilong 2011.

Em i salim strongpela toktok tu i go long Presiden bilong Filipins, Benigno Aquino, long taitim bun agensim korapsen na mekim samting bilong stopim ol hevi long saut bilong kantri, we ol rebel i save kamapim trabel, bai ol developmen wok i ken go het hariap.

Australia gavman i askim Filipins gavman long bihainim ol pipel bilong kantri i save mekim ol paul wok na korapsen, na glasim gut kain laip bilong ol pablik opisal, olsem rot bilong stopim korapsen insait long gavman.

Dispela toktok bilong Australia i stap long wanpela toktok em i bin kam aut long Australia Ambesi long Manila bilong sapatim Filipins Developmen Plen.

Senet bilong Filipins i lonsim pinis wanpela inkwairi o wok painim bilong glasim gut ol tokwin long korapsen insait long Filipins military we ol i tok sampela nesanel opisal i mas save paulim man ii kam long ol Yunaitet

Nesens piskiping fan.

Wanpela jeneral husat i ritaia o malolo pinis, husat nem bilong en i bin kamap long ol korapsen, i bin kilim em yet pinis bihain long nem bilong em i kam aut.

Australia i salim strongpela toktok tu i go long Filipins gavman na ol muslim rebel long bihainim bel isi pasin bilong stretim ol hevi long wanem ol trabel namel long tupela i wok long holim bek developmen long saut bilong kantri.

Sea Shepherd tok em winin ol Siapan pinis

OL lain i save protes agensim ol pisanman bilong Japan i save kilim ol weil pis, i ting kempein bilong ol dispela taim long blokim ol Siapan i kilim ol weil, i bin nap long mekim ol i les long go bek long painim moa weil.

Tupela sip bilong ol, Sea Shepherd, Bob Barker na Steve Irwin, i bin kamap bek long Hobart we ol sapota i bin bungim ol na paitim han long welkamim ol bek.

Dispela grup i wok long tok, ol i bin win bikos bihainim kempein bilong ol, Japan gavman i bin singautim bek ol weiling sip bilong ol pastaim long taim ol i save go bek long en.

Paul Watson, man i bin kirapim weil kempen lain Sea Shepherd, i tok bikos kempein i wok long mekim ol Siapan sip i lusim bikpela mani, ol bai les long go bek long Sauten Solwara long narapela taim bilong

painim ol weil.

Ol Queensland tim helpim long Christchurch i kam bek

OL IMEJENSI wokman na meri bilong Queensland husat i bin go bilong helpim ol wok bilong painim na sevim pipel bihainim gurua long Christchurch i stat go bek pinis long Queensland nau.

Meg Purtell i ripot olsem, bihain long lusim klostu tupela wik long Christchurch em i bin bagarap nogut tru long gurua, samting olsem 70 painim na sevim wokman na meri i kamap bek long Brisben.

Minista bilong Imejensi Sevises, Neil Roberts i presim ol dispela imejensi wokman long gutpela wok ol i bin mekim.

Mista Roberts i tok ol dispela wokman i bin helpim long painim ol pipel husat i bin pas tamblo long ol simen na brik gurua i bin burukim i kam daun, wanpela wok ol i bin kisim trening long en bilong mekim, tasol we ol i bin pilim bikpela pen yet na bikpela belsori long lukim.

Namba tu painim na sevim tim i gat 16 opisa long en, i bin lusim Brisben bilong go long Christchurch long wik i go pinis.

Ol bai salim narapela tim gen sapos Nu Silan gavman i askim long sampela moa helpim.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Stilman inap tokaut long arapela wanwok

POLIS tokaut olsem ol save pinis long ol sampela bikpela stilman husat wok long kisim mani hait long Fainens Dipatmen na Nesenel Plening Opis.

Em gutpela nius long harim bikos mani no save lus nating. Ol man i tasim na haitim na karim go aut na pulapim poket bilong ol wantaim na mekim bisnis na ol kainkain bikpela samting.

Polis ripot tok sampela lain long ausait i save pinis long husat man o bisnis i gat pepa bilong kisim mani long Gavman we Fainens Dipatmen mas stretim na peim aut. Ol dispela ausait lain save pasim tok wantaim ol opisa bilong Fainens na Nesenel Plening na ol bai tanim tanim ol pepa ya i go kam na

senisim nem nabaut o mekim pepa ya i lus insait long sistem. Ol papa bilong pepa bai wet longpela taim na go sekim na Gavman opisa bai tokim ol



olsem pepa i no stret o Gavman i no inap peim ol. Ol save givim sampela kain bikpela ansa we ol bikpela saveman na skul lain tasol bai klia. Em nau turangu ol papa bilong pepa na mani bai tanim het na go bek tasol samting tru em pepa i stap na ol saitim go daun long narapela rot. Em yumi lukim na ritim stori bilong Niu Erima Praimeri skul we mani bilong skul em sampela lain long Gavman opis i laik paulim stret, tasol hetmasta bin bihain bihainim go go na painim aut.

Sampela bisnis lain tu i bungim wankain hevi long mani bilong ol we ol sait lain wantaim ol Gavman opisa i mekim hait wok na kisim pinis na ol i wok long mekim yet.

Nau ol tok, ol dispela lain tu ol ken putim han mak o siknesa bilong Seketeri o bos bilong Dipatmen antap long pepa na wok bilong givim aut mani bai ron isi go aut long ol.

Tingim tasol, em ol traipela save lain save long mekim dispela kain pasin na ol save mekim planti taim na klia gut tru. Ating tok pisin na tok Inglis yumi kolim ol Kon man.

Gutpela tru long polis i mekim gutpela wok go insait na holim pinis sampela bilong ol dispela lain. Olsem na polis mas wok strong yet na kamautim moa ol lain olsem na ol dispela Gavman opisa husat save hait stap na mekim yet ol dispela stil pasin long mani bilong ol pipel na Gavman.

Sapos sampela bilong ol dispela lain i kamaut ples klia na sanap long kot, tru tumas, mi ting bai ol tokaut moa long planti lain long opis na ol bikpela bikpela saveman na ol bosman

husat save mekim dispela kain pasin.

Sapos pasin bilong kotim na tokaut long ol arapela i stat, mi ting bai ol manmeri i stat long prèt long wok bilong ol bikos arapela bai tokaut.

Dispela em wanpela rot bilong stat long klinim sistem o rot bilong mani na ol gavman sevis ken ron gut long en na go daun long ol pipel na stretim ol skul, haus sik, rot na arapela moa sevis we i bagarap na stap.

Kamautim moa dispela kain lain bai ol ken tokaut moa long planti arapela na yumi ken stopim pasin bilong wantok sistem, pasin brata bilong mekim hait pasin na kisim hait samting na planti arapela giaman na kusai pasin we i bagarapim gutpela sevis na nem bilong Papua Niugini.

Ol ovasis ripot tok, Papua Niugini empasin korap o stil pasin i pulap.

WANTOK KOMENTRI

Samting bilong kirapim skin

TRU TUMAS, tude nau, Fonde, namba 10 de bilong mun Mas, 2011, em i de ol i makim bilong opim na go het wantaim kot bilong namba wan praim minista bilong yumi, na namba wan long siksela praim minista long kantri bilong yumi long sanap long ai bilong lidasip traibunel.

Mipela no inap save long ron bilong dispela kot bai sotpela o longpela.

Na wanem tru em bai kamautim, em i stap nau long lid prosekyuta na skelim bilong tripela ausait jas husat i bosim dispela traibunel.

I gat planti tokpait pinis i kamap long makim bilong dispela tripela jas, tasol ating i mobeta yumi lukluk bihainim dispela kot na skelim luksave na savemak bilong tripela long glasim ol sas bilong Sir Michael Somare.

Tru tumas, dispela kot bai pulim ai na iau bilong planti manmeri long kantri, na tu, insait long Pasifik.

Sir Michael, em i no nupela man. Em i sanap long kain kain kot pinis, na oltaim, em i save kamap long ples klia.

Tasol olsem wanem nau long sait bilong dispela ol sas ol i tok em i asua long en na kamap long ai bilong kot?

Ating dispela ol sas, em i wanpela rot tasol i stap long painimaut long ol arapela asua, laka?

Sapos lida i stap moa long 40 krismas long wok politiks, em i samting i stap long blut pinis.

Tasol olsem wanem na lida i no inap asua insait long dispela 40 krismas? I nogat man i santu.

Dispela wanpela tingting tasol bai strongim sanap bilong kot traibunel i glasim.

Em i namba wan praim minista bilong yumi long sanap kot.

Na em wanpela tasol, i holim strong gavman i stap holim opis longpela taim.

Sapos em i nogat asua, kot na dispela tripela jas bilong Australia bai painimaut.

Wanpela samting i klia taim yumi stap long dua long go insait long dispela wok kot.

Ol mansave, midia, sumatin na manmeri nating long kantri, i no apas. Ol i lukim planti ol senis i kamap long kantri, na sampela i no gutpela.

Gavman na ol kolisen patna bilong en i mekim planti samting i kamap, na sampela long ol, i nogat inap tokpait long en pastaim long ol i yusim nating namba na strong bilong tok oraitim o senisim ol.

Sapos i gat as long glasim moa samting i pas bihainim ol sas i stap long Somare nau, i mas i gat inap strongpela tingting long go het long dispela ol wok painimaut.

Kantri bilong yumi na bihain taim bilong yumi, em i winim strong na nem bilong wanpela man tasol.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Abrusim kapa katres...

OL REBOL paitman bilong Libya i ronawe na abrusim wanpela traipela hap kapa bilong katres bom i kam pundaun klostu tru long ol.



Bilasim kar...

WANPELA kar ol i bilasim insait long dispela bikpela taim bilong pati na amamas long Rio de Janeiro, em i gat ol bikpela elefan i stap long en.



Kanivel Rio pati...

KWIN bilong ol drams i danis insait long bikpela kanivel long Rio de Janeiro long Mas 6, 2011.




Ol rebol paitman bilong Libya...

OL lain rebol paitman husat i wok pait agensim gavman bilong Kenol Moamar Gaddafi, i paiarim wanpela enti eakraf gan long Bin Jawad long Mas 5, 2011.



Penkek rekot i sot...

PENKEK kuki Andy Wrobel i lukluk na wol rekot penkek hip i pundaun long Melbon Sentral, long Melbon long Tunde dispela wik. Andy i wok traim abrusim mak bilong em we em i bin inapim bipo.



Traim sutim balus...

WANPELA rebol paitman bilong Libya husat i sanap gat long wanpela sekpoin long ples Ras Lanuf i paiarim masin gan long wanpela balus bilong gavman ami i ron antap.

Wol Benk givim helpim moa mani long ol projek long PNG

James Kila i raitim

WOL Benk long las wik Fonde i bin sainim 4-pela agrimen long Mosbi we bai lukim bikpela mani tru em bai givim long sait bilong edukesen long PNG, yut wok developmen long Nesenel Kapital Distrik (NCD) na helpim wok bilong ol meri long Bogenvil.

Wol Benk Kantri dairekta bilong Esia na Pasifik Rijen, Ferid Belhaz I bin kam long Mosbi long sainim ol agrimen we bai lukim tupela lon projek na tupela grent fan I go long helpim na strongim sosel na ekonomik developmen bilong kantri na pipel. Minista bilong Fainens na Treseri, Peter O'Neill i bin stap long seremoni long makim gavman long lukim ol dipatmen het i sainim agrimen long Mosbi

Minista O'Neill i tok em i amamas long sanap wantaim Mista Belhaz husat i makim Wol Benk long tokaut long ol projek em Wol Benk bai

Ol dispela projek em Intanesenel Developmen Asosesin, husat em pat bilong Wol Benk Grup i givim mani helpim em:

- Eben Yut Emploimen Projek (UYEP) we mani mak i sanap olsem US\$15.8 milien (em mak olsem K40 milien). Dispela agrimen em Gavana bilong Nesenel Kapital Distrik (NCD), Powes Parkop i sainim wantaim Mista Belhaz.

As tingting bilong dispela projek em long em long kamapim senis insait long laip bilong ol yangpela manmeri. Dispela projek bai i kamap insait long 5-pela yia na NCDC bai helpim ol eben yut wantaim liklik helpim long kamapim sampela liklik projek long givim wok long ol yet na



SAINIM:Fainens na Treseri Minista, Peter O'Neill (lephan) wantaim Wol Benk Kantri dairekta bilong Esia na Pasifik Rijen, Ferid Belhaz na Edukesin Minista, James Marape i redi long sainim agrimen.

kamapim gutpela sindaun.

- Flexibel Open Distens Edukesin Projek (FODE) we mani mak i sanap olsem US\$5 milien (em i mak olsem K12 milien). FODE senta em wanpela pablik distens lening institusen we i sevim PNG long apa praimer na sekendari skul liva. Dispela projek nau bai kamapim na bringim ap gutpela kwaliti bilong wanem samting long lainim o kurikulum long olgeta senta insait long kantri na tu kamapim moa wok bung namel long sumatin na tisa na tu bringim kamap ol nupela teknoloji we bai i helpim ol sumatin long lainim samting long liklik mani.

Ol mani we i kam olsem grent o

mani sapot i kam long Wol Benk em nogat intares o gavman bilong PNG bai i no inap long bekim em:

- Rit PNG Projek we mani mak em US\$19.2 milien (em i mak olsem K49milien). Bikpela as tingting bilong dispela Rit Edukesin Projek is long kamapim gut save long rit namel long ol sumatin long ol elementari na praimer na skul long PNG. Long mekim dispela i kamap, mani helpim bai go long kamapim ol klarum laibri long ol skul insait long PNG na ol edukesin samting long helpim tisa long skulim ol sumatin. Em bai givim tu profesinal developmen na gutpela sans long trenim ol tisa long

mekim ol redi long givim ol akademik nid bilong ol sumatin.

- Inklusiv Developmen long Post-Konflik Bogenvil Projek. Mani mak bilong dispela projek em US\$2.5 milien (em i wankain olsem K5 milien). Dispela grent eid em as tingting bilong em em long wokim kamap ol sosel capital insait long ol komyuniti level long strongim wok bilong ol meri o wimens ogenaimesen na ol sivil sosaiti ogenaimesen we i sapotim wok bilong ol meri insait long developmen. Dispela projek i karamapim tripela eria. Dispela em: Wokim kamap na strongim komyuniti developmen na projek menesmen na serim tingting na

save.

Vais presiden bilong Autonomos Bogenvil Gavman (ABG), Patrick Nisira i tok dispela saining seremoni em bikpela samting tru bilong ol meri long Bogenvil bikos long Bogenvil ol meri i save go pas long ol risos.

Mista Nisira i tok amamas long ol lain blong em long pastaim husat i redim dispela projek wok long 2007 na nau kaikai bilong em i kamap.

Mista O'Neill i tok olsem em i gat bilip olsem Dipatmen bilong Edukesin, NCDC na Autonomes Rijen bilong Bogenvil i gat strong long karimaut ol wok insait long dispela projek.



Vais presiden bilong Autonomos Bogenvil Gavman (ABG), Patrick Nisira I givim toktok long saining seremoni.



Ol lain husat i sainim agrimen i sindaun lukluk long wanpela mangi i bringim pen bilong sainim agrimen i go long Edukesin Minista, James Marape. Ol foto: Nicky Bernard



Program bilong Wanwan De

De - Mande - Fraide

6am - 10am - Sankamap show - Host: Kas. T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grifins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction
 - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack
 - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim
 - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS SENTA
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitiz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
 Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm Nius - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitiz
 1pm - 2pm - Sarere Belo Taim Dedikesen
 2:00pm Nius - YUMIFM Nius Senta
 2pm - 6pm - Sarere Avinun Cruz
 6:00pm Nius - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
 Wiken - Sandei
 6am - 10am - Wiken Sanrais / Sandei Monin wokabout Musik
 - Monin Treks
 10am - 12noon Nius - YUMIFM Nius Senta
 12noon - Sandei Belo Taim Music
 12 - 2pm Nius - YUMIFM Nius Senta
 2:00pm - Sandei Avinun Draiv Music
 2pm - 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NUIS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NUIS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NUIS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NUIS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NUIS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Australia Wik Laiv Konset

Nicky Bernard i raitim

DISPELA wik, ol Australia long Papua Niugini i amamasim de bilong ol long kankain samting, dispela i nu-pela samting ol lain long Australia stap long Papua Niugini save mekim, ol save mekim olgeta yia long mun Mas.

Dispela yia ol lain long Australia Hai Komisn i

bringim tupela grup bilong ol long Australia yet i kam long amamasim dispela Australia wik wantaim ol. Ol i kisim wanpela grup bilong Aborijin long Sydney ol save kolim ol The Thulli Dancers na wanpela top ben bilong Australia Little Red, long tokpinis em liklik retpela wei ol bai pilai long Lamana wantaim sampela biknem musik manmeri bilong yumi ol Papua Niugini. Dispela amamas bilong

Australia bai ron long wanpela wik olgeta na bai gat kankain samting bai ol mekim long ol manmeri bilong Mosbi na wanpela long Lae.

Long Mande, Australia Hai Komisina long Papua Niugini wantaim Gavana bilong NCD, Powes Parkop, i opim dispela wik progrem, long makim olsem Australia wantaim Papua Niugini i stap yet olsem poroman. Long nait ol

Thullii Dancers i mekim so bilong ol long Ats Tieta we planti manmeri na ol pikinini husat i gat sans i bin go lukim.

Long nau Fonde nait bai bikpela konset bai kamap, Little Red Ben bai pilai long Lamana wantaim sampela bilong ol biknem musik manmeri bilong yumi PNG olsem George Telek, Richard Mogu, Airi Ingram, Wantok Musik na wanpela yangpela

meri husat i stat long mekim nem long musik insait long kantri, Samantha Clark.

Lamana em ples dispela so bai kamap long tete na ol manmeri long Mosbi husat i gat K50 bilong get bai gat sans stret long lukim dispela ben bilong Australia Little Red Ben bai pilai wantaim ol top musik lain bilong yumi Papua Niugini.

93FM YUMIFM National Weekly Hit Parade
 Produced & Host by: Kasty
 Sattatias: Talaigu Sophie & Poroman Crew
 Week Ending: Saturday - 12th March 2011

Week Before	Last Week	This Week	Charting Song:	Artist:
3	1	1	Queen of Karanis	Jay Tasins
1	2	2	MB Lewa	Silhabakaku
3	3	3(4)	Meri Morobe	Logic Crew
4	4	4	Pacisire Angel	Texas Allen ft Larry Ori
5	5	5	Jumbee	Seths Mabu ft Eijay
6	6	6(4)	Burulan Lewa	Sud n Burst
7	7	7(4)	South Pacific Beauty	Akay 47 ft Hanley Logoso
11	9	8	Dance with you	Iden.TT
16	12	9	Vuti	Moqai
8	8(4)	10	Sim Card	Saul Langa
10	10(4)	11	Invisible Love	Jay West
0	18	12	Girelyon	Jokema ft Ugly B & Fat G
20	17	13	Boi Man	Roxville
0	19	14	Yici Vavine mu	Spectators of Gordons
15	15	15	Finach Medley	Iden.TT
14	14(5)	16	Hampez	Junior Kasy Toby
9	11	17	Unq yu kau	Sharzy
13	13(4)	18	Artsami	Niigana
0	0	19	Ae Ego Doga	Pasiwa Boys
19	20	20	Nilpis SSM	Razzoo
	Song	In:	Ae ego doge	Pasiwa Boys
	Song	Out:	Nipo	Moqai



AUSTRALIA WIK: Thulli dens grup bilong Aborijin long Australia i mekim wanpela stail danis bilong Kangaroo long Ats Tieta long opim Australia Wik long dispela mun Mas 2011.

EMTV Television Guide

FONDE, MAS 10 2010

5.00AM G JOYCE MEYER Religious Program
 5.30AM G TODAY
 11.00AM AUSTRALIA NETWORK STATION OPEN
KIDS KONA
 3.00PM G MAGICAL TALES
 3.30PM G HI-5
 4.00PM G THE PYRAMID
 4.30PM G THE SHAK
 5.29PM G EMTV NEWS UPDATE
 5.30PM G MILLIONAIRE HOT SEAT
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G SPORTS SCENE (2011 Return)
 7.30PM PG RAIT MUSIK

7.27PM G EMTV TOK SAVE
 7.30PM G RAIT MUSIK
 8.30PM PG ELITE MUSIC ZONE (2011 Return)
 9.00PM PG WWE AFTERBURN
 10.00PM PG CRUSOE
 11.00PM G NATIONAL EMTV NEWS REPLAY
 10.30PM G NEWS REPLAY
 11.00PM AUSTRALIA NETWORK

FRAIDE, MAS 11 2010

5.00AM G ENJOYING EVERY DAY LIFE with JOYCE MEYER Religious Program
 5.30AM G TODAY
 11.00AM AUSTRALIA NETWORK
 1.55PM AUSTRALIA NETWORK
 2.59PM STATION OPEN

KIDS KONA
 3.00PM G MAGICAL TALES
 3.30PM G HI-5
 4.57PM EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS
 6.00PM G NATIONAL EMTV NEWS
 4.30PM G THE SHAK
 4.57PM EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT

7.27PM EMTV TOK SAVE
 7.30PM G SUPER RUGBY
 9.30PM G SUPER LEAGUE
 10.40PM G EMTV NEWS REPLAY
 12.20PM AUSTRALIA NETWORK

SARERE, MAS 12 2010

4.59AM AUSTRALIA NETWORK
 4.30PM G STATE OF ORIGIN
 CLASSICS - Relive the guts and glory of State of Origin Football as EMTV brings you the "State of Origin" Classic Matches.
 6:00PM G NATIONAL EMTV NEWS
 6.30PM PG AUSTRALIA'S FUNNIEST HOME VIDEO SHOW

7.30PM G IN MORESBY TONIGHT
 8.00PM G SUPER RUGBY
 10.00PM G WWE AFTERBURN
 11.00PM PG ELITE MUSIC ZONE
 11.30PM G NATIONAL EMTV NEWS REPLAY
 12.00AM AUSTRALIAN NETWORK

SANDE, MAS 13 2010

6.29AM STATION OPEN
 6.30AM G IT IS WRITTEN
 7.00AM G HILLSONG
 7.30AM AUSTRALIA NETWORK
 5.00PM PG WWE AFTERBURN
 6.00PM G NATIONAL EMTV NEWS
 6.30PM G LOVE PATROL
 7.00PM PG SEND IN THE DOGS (New Series)
 7.30PM G 60 MINUTES

TORO



BIABIA



KANAGE



TOKWIN

Bubu yangpela gen wantaim mobail fon

Taim mobail fon i kamap, sampela ol bubuman na bubu meri i senis i go yangpela gen. Ol bubu meri i tanim nek bilong ol i go olsem ol yangpela 16 na traim ring na toktok, na sampela ol lapun bubu man i traim stailim nek bilong ol stret long grisim ol yangpela skul meri. Dispela em pasin nogut mobail komunikesin teknoloji i kamapim. Tasol long arapela sait em i mekim komunikesin i kamap isi long PNG.

Dinau man gat planti meri o?

Sampela taim ol wokman meri i save paul long sampela wanwok bilong ol olsem ol i gat tupela meri o wanpela tasol. Dispela em bikos long olgeta fotnait wanpela meri i save go wet na tu long sait em narapela meri tu i sanap i stap. Turangu, man ya i gat hevi bikos narapela meri i kam long dinau bilong em ya.

K5 milien long fiksime Madang rot

Pablik i save pinis nau olsem Prais Minista i givim K5milien long fiksime Madang taun rot.

Mipela ol takis peia laik lukim wok i kamap na gavana na ol wokman bilong provinsal edministretin i mas yusim mani gut na fiksime rot.

Nau yet i gat planti hol long rot olsem baret rot stret na ples i luk bagarap tru.

Hailans lain kontrolim Morobe bas-stop

Ol Morobe lida na ol pipel i stap we? i luk olsem Eriku bas stop na ol arapela pablik ples em ol Hailans i kontrolim pinis ya. Ples helpim ol Menyamy Sekuriti Sevis na stopim bikhet pasin long ol bas-stop.

Tokwin Tasol...

A	I	R	N	I	U	G	I	N	I	E	S	K	A	G	O	A
H	U	R	T	S	H	N	M	O	L	Y	U	E	R	C	R	I
P	S	E	S	I	A	L	E	T	W	R	V	I	P	I	L	R
L	I	E	X	F	S	D	E	R	V	V	S	X	A	J	H	L
E	A	S	K	H	J	K	L	O	P	K	U	N	B	N	S	I
S	E	I	U	I	T	F	D	S	R	E	O	O	I	P	U	N
B	C	F	P	R	N	E	V	U	F	I	S	P	A	R	T	E
A	I	P	O	J	R	E	W	S	T	S	F	G	I	K	K	S
L	T	O	L	U	A	F	R	A	S	I	T	E	E	L	E	P
U	I	N	I	G	H	K	N	V	D	R	K	U	O	I	S	N
S	R	K	H	D	S	S	E	E	W	T	T	E	P	O	I	G
E	U	D	R	S	D	C	V	T	N	M	E	T	T	O	P	S
R	Y	E	R	N	J	K	L	O	P	K	I	C	V	R	I	E
T	K	O	A	P	L	K	N	B	D	R	S	I	A	E	A	R
I	E	L	S	T	P	A	I	L	O	T	I	U	I	L	Y	M
W	S	E	A	R	T	Y	I	N	E	R	B	A	L	U	S	A
I	K	L	J	I	U	S	P	E	A	H	O	S	T	E	S	F

Painim ol dispela toktok bilong ran lang balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JUIS	BISKET	SIA LET
SIA	TIKET	SEKIN	SEKYURITI
LAIP JAKET	EA HOSTES	PAILOT	SUTKES

6	9	5	1						
7		8							
3	4		6	5	7	2			
	3	7			8	5			
5		6	4		9				2
		4	3			9	8		
		9	8	2	1		5	6	
						4		1	
					6	8	2	9	

7	4	2	9	1	5	8	6	3	
3	5	8	6	2	4	1	9	7	
6	9	1	3	8	7	5	4	2	
1	2	3	7	4	9	6	5	8	
4	6	5	2	3	8	7	1	9	
8	7	9	5	6	1	2	3	4	
2	3	7	1	9	6	4	8	5	
5	8	6	4	7	3	9	2	1	
9	1	4	8	5	2	3	7	6	

Ansa bilong las wik Sudoku

Ansa bilong las wik Pasol

T	A	R	A	G	A	U	B	I	L	O	N	G	N	A	I	T
				S												
K				E						K	U	M	U	L		P
A				K	A	L	A	N	G	A	R					I
K								A							S	
A								K	O	K	O	M	O		S	I
R								T						A	N	K
G	U	R	I	A												A
K										R						A
																I
																V
																I
																I
																I
I																B
A																U
N																U
A																A
K																A
W																F

EMTV Television Guide

8.30PM M SUNDAY NIGHT MOVIE: TBA	4.00PM G THE PYRAMID	5.00AM G JOYCE MEYER Religious program	9.00PM G SHINE:	4.57PM EMTV TOK SAVE
10.30PM G HILLSONG	4.30PM G THE SHAK	5.30AM G TODAY	9.30PM G SUPER LEAGUE	5.00PM G MILLIONAIRE HOT SEAT
11.00PM G NATIONAL EMTV NEWS REPLAY	5.29PM G EMTV NEWS UPDATE	9.00AM EMTV PRIME TIME LINEUP	10.30PM G EMTV NEWS REPLAY Repeat	5.55PM G CRIME STOPPERS
11.30PM Australia Network	5.30PM G MILLIONAIRE HOT SEAT	9.20AM G DEPARTMENT OF EDUCATION CLASSROOM BROADCAST	11.00PM G RUGBY LEAGUE	6.00PM G NATIONAL EMTV NEWS
MANDE, MAS 14 2010	6.00PM G NATIONAL EMTV NEWS	KIDS KONA	11.30PM AUSTRALIA NETWORK	6.30PM G A CURRENT AFFAIR
5.00AM G JOYCE MEYER Religious Program	6.30PM G A CURRENT AFFAIR	3.00PM G MAGICAL TALES	TRINDE, MAS 16 2010	7.00PM PG RED CARPET
5.30AM G TODAY	7.30PM PG RED CARPET	3.30PM G HI-5	5.00AM G JOYCE MEYER Religious Program	Karl Stefanovic and Lisa Wilkinson hosts the Red Carpet Arrivals before the award ceremony to give us a close look at he glitz and glamour of the celebrities as they arrive.
9.20AM G DEPARTMENT OF EDUCATION CLASSROOM BROADCAST	8.00PM PG	4.00PM G THE PYRAMID	5.30AM G TODAY	8.00PM PG
11.00AM AUSTRALIA NETWORK	11.00PM G NATIONAL EMTV NEWS REPLAY	4.30PM G THE SHAK	9.00AM EMTV PRIME TIME LINE UP	11.00PM G NATIONAL EMTV NEWS REPLAY
2.59PM STATION OPEN	11.30PM Australia Network	5.29PM G EMTV NEWS UPDATE	9.20AM G DEPARTMENT OF EDUCATION CLASSROOM BROADCAST	11.30PM AUSTRALIA NETWORK
KIDS KONA	TUNDE, MAS 15 2010	5.30PM G MILLIONAIRE HOT SEAT	11.00PM G RUGBY LEAGUE	7.57PM EMTV TOK SAVE
3.00PM G MAGICAL TALES		6.00PM G NATIONAL EMTV NEWS	7.00PM PG THE FARMER WANTS A WIFE	8.00PM PG THE FARMER WANTS A WIFE
3.30PM G HI-5		6.30PM G A CURRENT AFFAIR	9.00PM M WEDNESDAY NIGHT MOVIE: TBA	9.00PM M WEDNESDAY NIGHT MOVIE: TBA
		7.00PM G HAUS & HOME	11.00PM G NATIONAL EMTV NEWS REPLAY	11.00PM G NATIONAL EMTV NEWS REPLAY
		7.57PM EMTV TOK SAVE	11.30PM AUSTRALIA NETWORK	11.30PM AUSTRALIA NETWORK
		8.00PM PG RESCUE SPECIAL OPS		

Ol Program na Taim i ken senis...

Raun wantaim Kanage olgeta wik

Kus marasin bilong wait man

Lapun Kanage kus i go tulait na go long haus sik long kisim sampela kus marasin. Em i go kamap long haus sik na wanpela nes meri askim em long wanem kain sik i kisim em. Na Kanage kus wantaim na tokim nes meri: O pikinin, strongpela kus i bagarapim mi stret. Mi no slip long nait. Mi kus i go i go na skin bilong mi i bagarap. Nes meri kirap na tokim Kanage. Sori tru papa. Gavman i sot long mani na mipela tu i sot long kus marasin. Kanage harim olsem na tokim nes. Na bai olsem wanem nau. mi i kam long kisim marasin. Mi no kam long yu tokim mi olsem gavman sot long mani na nogat kus marasin. Nes meri ya tingting i go



na tokim Kanage. Maski yu go long haus na painim sampela tumbuna marasin na dring. Kanage belhat na tokim nes meri ya olsem. Sapos mi go long haus na kus i mekim save long mi, bai mi kam bek long haus sik na kisim yu go long haus na bai yu soim mi olsem we bilong wokim marasin bilong ol wait man

**Marasin boi
Wewak**

Soka kompetisin

Wanpela taim, wanpela soka kompetisen i kamap long Bulolo namel long ol

Bulolo Forestry Koles na Wau Sekendari skul tim.

Planti ol manmeri i lukluk i stap wantaim ol sampela wait man. Tupela tim i no pilai gut olsem na wait man i kirap na tok olsem, "Ol lain pilai deti gem stret." Kanage i harim na em i kirap na i tok, "Tru ya, ol i no was was na ol i kam long pilai."

Bulolo

Ol skwat!

Salim ol gutpela Kanage tok pilai i kam long: Kanage Tok Pilai P.O. Box 1982,

Poromeri no bekim kol moa

Dia Laiplain,

MI GAT 18 KRISMAS NA MI WOKIM GRET 11 I STAP. MI KAM LONG WANPELA GUTPELA FAMILI. MI NAMBA TU LONG FAMILI NA MI GAT 4-PELA BRATA NA SUSA.

MI GAT WANPELA GELPREN I WOKIM GRET 12 LONG NARAPELA SKUL. EM I KAM LONG FAMILI I GAT HEVI WE MARIT I BRUK, TASOL PASIN BILONG EM I GUTPELA NA EM YET TU I WANPELA KUM KATIM MERI.

MIPELA I BIN STAT LONG POROMAN TAIM MIPELA I STAP LONG GRET 6 YET. OL PAPAMAMA BILONG MITUPELA I SAVE LONG PRENSIP BILONG MIPELA NA BIKOS LONG MITUPELA, OL I KAMAP OL GUTPELA POROMAN.

STAT LONG DISPELA YIA, GELPREN YA I WOK LONG ABRUSIM MI. TAIM MI RINGIM EM, EM I SAVE PUTIM MI LONG VOISMEIL O LARIM FON I RING I GO TASOL. NAU MI PAINIMAUT OLSEM EM I SENISIM FON NAMBA BILONG EM.

MI WARI TRU NAU YA. MI NO INAP STADI GUT BIKOS TINGTING BILONG MI I NO STAP STRET. PAPAMAMA BILONG MI I LUKIM DISPELA NA OL I WOK LONG ENKARIJIM O GIVIM OL GUTPELA SAPOT TOKTOK LONG MI TASOL DISPELA I NO HELPIM MI LIKLIK.

**PLIS LAIPLAIN, HELPIM MI!
BROKEN HEARTED**

Dia Pren,

Tenkyu long yu yet i laik kisim helpim long stretim hevi yu gat long em na rait i kam long Laiplain long kisim helpim.

Yu gat wari long prensip bilong yu wantaim meri bikos yutupela i bin save long yupela long Gret 6 yet. Nau yu stap long Gret 11. Gelpren bilong yu i no toktok long yu na i wok long abrusim yu, maski yu traime bes long toktok long em. Na em i senisim telepon namba bilong em tu.

Papamama i bin save long prensip bilong yutupela. Na bikos long dispela wari yu gat long en, tingting bilong yu i no stap long skul wok. Papamama i luksave long wari na ol i laik sapotim yu, tasol yu no amamas wantaim sapot ol i givim.

Pren, mipela i save olsem yu no stap gut bikos yu no inap long lukim o toktok long lewa stret bilong yu. Tasol mipela i laik tok olsem ol pilings na wari yu gat



long em nau em planti ol yangpela i gat long em. Mipela i save kisim ol wankain pas olsem long planti ol yangpela long olgeta hap bilong kantri.

Mipela i wok long tingting olsem wanem na ol tokstia we papamama i givim long yu. Planti papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stiatok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol ekspiriens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. i moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luksave olsem em i lusim bikipela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu long edukesen?

Mipela i laikim bai yu lukluk na tingting gut long dispela tripela wod. Em long laik pasin, laik long slip wantaim narapela na strongpela sotpela taim laik pasin. Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long skul. Papamama bilong yu i tromoim bikipela

mani long skul bilong yu na mipela i bilip olsem ol i laikim yu long skul gut, pinisim gut skul na kisim wok. Olsem mipela i tok pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaisesen klostu long yu.

Planti yut i no wokim gut na ol i drop aut long skul bikos ol i no mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikhet pasin i stap long ol famili na komyuniti bilong ol. Dispela em bikos ol i no laik harim gut stiatok bilong papamama ol skul. Planti i wok long kamap birua wantaim ol papamama na ol famili, loa na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laiplain

Sapos yu gat wari o hevi, rait i kam long dispela etres: Lifeline Counselling Services, P O box 6047, BORO KO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laiplain



NEM: Ludwig Hesai

KRISMAS: 21 (man)

ADRES: Kilipau village, P.O. Box 96, Vanimo, Sandaun Provins

SAVE LAIKIM: Senisim Presen, pilai soka, harim musik na raitim pas.

NEM: Benjamin A. Wep

KRISMAS: 20 (man)

ADRES: Kilipau Village, P.O. Box 96, Vanimo, Sandaun Provins

SAVE LAIKIM: Pilai soka, voli bol, senisim presen na painim wanpela meri long maritim.

NEM: Patrick Gisiye

KRISMAS: 20 (man)

ADRES: New Century Wholesale, P.O.Box 218, Kiunga Western Provins

SAVE LAIKIM: Pilai soka, mekim pren, raitim pas, go lotu na senisim presen.

NEM: Benuel Kapamai

KRISMAS: 18 (man)

ADRES: P.O. Box 2901, Lae

SAVE LAIKIM: Pilai soka, volibol, pilai gita, harim musik, ritim buk na go lotu

NEM: Bainy Wou

KRISMAS: 20 (man)

ADRES: Kilipau Village, PO Box 96, Vanimo Sandaun Provins

SAVE LAIKIM: Raitim pas, senisim presen, pilai soka, volibol na painim wanpela meri long maritim.

NEM: Benny Wagu

KRISMAS: 18 (man)

ADRES: Kilipau Village, P.O.Box 96 Vanimo Sandaun Provins

SAVE LAIKIM: Senisim presen, raitim pas, pilai soka, volibol na harim musik

NEM: Terence Mathew

KRISMAS: 16 (man)

ADRES: Ohu Primary School, PO Box 169, Madang511, Madang Provins

SAVE LAIKIM: Go skul, harim musik, go Lotu, raitim pas na mekim pren

NEM: Tenny Paul

KRISMAS: 19 (man)

ADRES: Komabea Primary school, PO Box 220, Kerema, Gulf Provins

SAVE LAIKIM: Pilai spot olsem volibol, soka na basketbol, harim musik, ritim niuspepa na wok

NEM: Jamie Awe

KRISMAS: 29 (man)

ADRES: C/Hargy Oil Palms, PO Box 21 Biiala, West New Britain Provins

SAVE LAIKIM: Lukim rugby, mekim poroman wantaim ol arapela na painim wanpela lotu meri bilong maritim

NEM: Atasing Bafike

KRISMAS: 27 (man)

ADRES: Bumbum Primary School, PO Box 4588, Morobe Provins

SAVE LAIKIM: Harim musik, pilai soka, watsim TV na pilai kompyuta gem

Aitape Wes sab besin papagraun redim ol yet long wok

James Kila i raitim

WANPELA delegesin o lain grup papagraun bilong Aitape Wes sab-besin insait long Wes Sepik provins i stap nau long Mosbi long redim na kamapim rot long toktok wantaim ol stekholda long kamap wantaim gutpela wok bung long developim oil na ges projek long eria bilong ol.

Oi dispela lain papagraun i kisim balus na go olgeta long Mosbi long kamapim negosiesin miting bilong ol long kamapim gutpela tingting long wok bung wantaim ol stekholdas.

Aitape Wes sab besin oil na ges projek i gat tupela laisens eria. Wanpela eria i stap long graun (onso) na narapela i stap insait long solwara (ofso). Dispela onso laisens em Petroleum Prospekting Laisens (PPL) 320 na ofso em laisens PPL 306. PPL 320 em i stap wantaim bilong Telemu Namba 18, husat em han kampani bilong LNG Energy na PPL 306 em i stap wantaim Min Oil Risos, em Merylin Dab bilong Telefomin long Sandaun provins i papa long en. Dispela tupela PPL laisens bai pinis long 19th Septemba 2014.

Dispela eria long solwara em pastaim I bin lukim bikipela aiwara I bin kamap long yia 1998 na I bin kilim planti manmeri na eria I stap klostu long Sissano lagun na ol ples olsem Arop, Malol, Warapu na Sissano.

Siaman bilong Aitape Wes Sab Besin Oil na Ges Lenonas Asos-esin, John McRobin i tok olsem dispela miting ol lain papagraun i kamapim long Mosbi em long kamap wantaim gutpela tingting na



KAMAPIM WOK: Dispela em ol lain delegesin bilong Aitape Wes sab-besin husat i kam long Mosbi long kisim sampela gutpela luksave long wel na ges developmen long ples bilong ol. Foto: JAMES KILA

tu long kamapim gutpela wok-bung namel long ol stekholda. Oi bikipela stekholda long sait bilong Gavman bilong PNG em Dipatmen bilong Petroleum na Eneji, Dipatmen ov Plening na Monitoring, Dipatmen ov Fainens, Treseri, Komes na Indastri, Dipatmen ov Praim Minista na Mineral Risos Developmen Kampani (MRDC).

Oi lain man husat i bin bung long Mosbi em Mista McRobin yet olsem siaman, Charles Nosi olsem deputi siaman, Jerome Swaikere olsem ekting seketeri, Gerald Alec olsem tresera, Andrew Aweweri (Malol kodineta), Jack Jariak (Arop kodineta), Salvator Niwani (Warapu kodineta) na Jack Kasmier (Sissano kodineta). Man husat i stap lukim miting em Gabriel Siroi, husat em vais presiden bilong Aitape

Wes LLG. Mema husat i no bin stap long miting em Godfried Baraka.

Oi papagraun i tok olsem taim ol i stap long Mosbi, ol i laik long bungim ol lain bilong Dipatmen ov Plening na Monitoring, na bikipela samting em Deputi Seketeri bilong Plening na Monitoring PIP Wing Seksin na toktok long long K3.7 milien sabmisen ol i bin mekim na askim gavman long helpim ol.

Olgeta memba bilong bod ov dairektas i amamas long dispela disisen olsem ol i ogenaisim o stretim pinis planti ol intagreted len grup (ILG) na Sivil Rejistresin bilong olgeta projek papagraun pinis. Tasol hevi nau em i bikos em i kos planti mani tumas long peim rejistresin bilong ol ILG na dispela em K163 long rejista wantaim Lens Di-

patmen. Na tu em bikipela mani long peim Sivil Rejistresin we bai i kos K30 long wan wan manmeri long peim i go long Dipatmen ov Komyuniti Afes.

Oi papagraun i tok olsem insait long Aitape Wes Sab Besin oil n ages projek i gat 249 ILG olgeta. Na wantaim ol dispela infomesin em bai kos samting olsem K65,487 long peim rejistresin bilong 249 ILG na wantaim 15,000 manmeri ol bai peim K30, em total kos em K450,000.

Oi i tokaut tu olsem long karimaut Len Baudri Sevei na kisim Len Taital aninit long Aitape Wes Sab Besin Asos-esin em bai kos moa long K1.3 milien, na Papagraun Ambrela Asos-esin na Ambrela kampani rejistresin na rejistresin bilong 9-pela lenona kampani bai kos

moa long K64,000.

Siaman bilong asos-esin, Mista McRobin i tok klia long kos bilong kamapim dispela ogenaisin bilong ol papagraun em bai moa long K1,879,487.00. Em i tok olsem long sait bilong lenona mobalaisesen olsem ronim ol anuel jeneral miting (AGM) long melim ol lenona ambrela asos-esin siaman na ileksin bilong ol narapela siaman bilong lenona ogenaisese bai kos moa long K250,000.

Mista McRobin i tok olsem dispela olgeta wok bilong mobalaisesen bilong ol papagraun o lenona bai kos moa long K2,129,487.

Olgeta ol arapela memba bilong bod ov dairekta husat i bin stap long miting long Mosbi i sapotim siaman na i tok olsem ol i kamapim resolusen pinis olsem siaman i gat blessing bilong ol lain papagraun long goaut long askim long mani long helpim ol mobalaisesin program na ol papagraun tu i ken go het na lukim long sampela arapela rot tu long mekim fan reising long welkam long exploresin bilong oil na minerals long eria bilong ol.

Tresera bilong asos-esin, Gerald Alec i makim ol lain papagraun bilong Aitape Wes sab besin long givim bikipela tok tenkyu i go long Lucian Remrem long helpim ol wantaim bas fea na tu Joseph Kong, na Joseph Tiningnigun, Didimus Nemot long helpim long sait bilong printim ol pepa na Ann McRobin long helpim wantaim lepot na ol narapela samting.

Oi i tok tenkyu tu i go long Aitape distrik administresin long givim K13,000.

Hides papagraun no amamas long pe bilong sid kapitel

Paul Zuvani i raitim

WANPELA papagraun we wok bilong wel na ges i kamap long em long Hides PDL 7, Sauten Hailans Provins i no amamas long pe em i kisim long projek i stap long graun bilong em.

Jackson Awi, husat i siaman bilong Kajumba klen na Kaware Sivil Woks i tok mani em i kisim i no mani em i wet long em.

Em i kisim K5,000 olsem sid mani long developmen gren gavman i baim long wanwan ol papagraun long las wik.

Em i tok dispela mani i no inap long helpim em long kamapim sampela gutpela wok bisnis long sapotim em long longpela taim.

Em i bin mekim sabmisen bilong K8 milion long wok bisnis bihainim askim bilong gavman.

"Mi ting dispela i no mani mi mas kisim. Em i liklik tumas long helpim mi long mekim sampela gutpela samting.

"Mi ting gavman bai baim

mipela gut tasol em i lus.

Wantaim dispela em i askim tu long rot atoriti i yusim long givim aut dispela pe.

Em i tok maski em i save olsem wanwan ol papagraun i kisim pe long K5,000 em i no inap long save long wanem rot sampela ol papagraun inap long baim Toyota Len Krusa na ron long ol.

"I luk olsem sampela samting i no stret.

"Inap long Hides PDL 7

"Inap long Hides PDL 7 spesel pepes atoriti (SPA) i tokaut long rot em i bihainim long mekim ol pe," Awi i askim.

Em i tok sapos atoriti i no tokaut em bai kisim kot oda na askim atoriti long tokaut long rot.

Pe em i kisim i kam long K6 milion em gavman i givim long ol wanwan papagraun olsem sid kapitel.

Gavman long las wik i baim K15 i go long ol papagraun, K9 milion olsem bisnis developmen gren we i go long Kaware Sivil

Woks kampani na K6 milion olsem sid kapitel.

Awi i tok em i yusim olsem K80,000 long ron i go kam long Tari na Mosib namel long 2009 na 2010 tasol i kisim liklik pe tasol.

Wankain belkros em Timothy Nokope bilong Ware klen long Hides PDL 1 go long 4 i tok gavman na divelopa ExxonMobil bai kisim bikipela mani long dispela projek.

Na em i no stret sapos gavman i mekim olsem ol i long-long manmeri tasol.

"We stap mani bilong mipela. Wanem samting mipela bai mekim wantaim dispela rabis mani?"

"Gavman i promis long baim mipela stat long Jun, 2009 i kam inap nau.

"Bilong wanem tru gavman i mas mekim kain pasin long mipela?" Mista Nokope i tok.

Tasol maskim long dispela em na Nokono i amamas long pes Gavman i mekim long bai ol olsem em i promis long em.



MANI WE: (l-r) Awi na Nokope no amamas long pe. Lukluk i stap em Ebert Jackson.

PNG go pas long kamapim HOF miting long Nu Kaledonia

Priscilla Maigu (NFA) i raitim

PAPUA Niugini insait long wok bilong Nesenel Fiseris Atoriti (NFA) i go pas long kamapim namba 7 miting bilong ol hetman bilong fiseris (HOF) insait long Pasifik ailan long Noumea, Nu Kaledonia.

Mista Leban Gesawa, lida bilong PNG degesin na siaman bilong namba 7 HOF miting i tok welkam long ol hetman bilong Fiseris insait long Pasifik na ol sinia fiseris ofisa husat i makim ol wan wan ailan stet i

go long dispela miting.

Ol bikpela toktok we i kamap insait long dispela miting em ol ripot bilong SPC Marin Risoses Division na 2010 ripot, Kostal Fiseris Program - Stratejik Plen na wanem samting i kamap, Osenik Fiseris Program - Stratejik Plen na Wanem samting i kamap na ol Toktok long wok bilong Osenik Fiseris Program na wanem ol gutpela wok i kamap na ol bikpela samting long lukluk long en long 2011.

Miting i bin stat wantaim ol toktok bilong fiseris program em Yuropien Yunien (EU) i

givism mani long sapotim insait long Pasifik rijon. Long Papua Niugini, 3-pela nupela bikpela program em SciCOFish, SciFis na namba tu hap bilong DEVFis Projek, we i lukim planti toktok i kam long ol lain husat i makim ol Pasifik na ACP kantri.

Mista Gisawa i tok olsem ol fiseris program olsem SciCOFish na SciFish em ol nupela program long PNG olsem na yumi ol pipel long kantri mas save gut long wanem ol samting i stap insait long en na wanem rot PNG olsem wanpela memba kantri i ken go insait long program na

kamapim gutpela wok we i go wantaim Nesenel Gol na Objektiv bilong yumi.

"PNG i laik lukim olsem dispela ol program na wanem ol wok insait long en i go stret wantaim na i helpim Nesenel Developmen Gol," Mista Gisawa i tok.

Narapela bikpela toktok tu em namba tu hap bilong DEVFish program.

Sekretariat bilong Pasifik Komyuniti long Noumea i putim mani na i ogenaisim miting.

Kain miting ya i save kamap bihain long tupela yia na ol Pasifik ailan kantri i save redim kamap bihainim nem bilong ol long alphabet oda. Miting long pastaim em kantri Palau i bin go pas olsem siaman long 2009.



KISIM SAVE: Hetman bilong ol Nesenel Fiseris Atoriti long wanwan kantri long Saut Pasifik husat i kamap long kibung. Poto: NFA

Strongim ol manmeri long M'Buke ailan

James Laraki (NARI) i raitim

KAMAPIM kaikai i no isipela wok taim wanpela i stap long ol liklik ailan olsem M'Buke long Manus provins.

Wanpela i mas wok tru long stap long kain ples olsem.

Tasol maski long dispela atoriti nau i lukluk long groim sampela kain kaikai bai i ken strongim ol.

Long dispela taim Nesenel Agrikalsa Risets Institut i wok bung wantaim PNG Sastenibel Developmen Program Ltd (PNGSDP) long strongim ol manmeri long ailan.

Aninit long tupela-yia fud sekyuriti projek, NARI i kamapim program we bai givim kain kaikai na abus we maski taim nogut o gutpela taim ol bai stap. Tupela oganaisesen i

ting wantaim kain ol samting dispela inap long strongim ol manmeri long ailan.

Long dispela NARI i givim ol samting olsem yam bilong Afrika, taro, tapioka, kon, swit kaukau, pato na sampela kain kumu.

M'Buke ailan i stap long saut is long Manus Provins i gat olsem 700 manmeri.

Hevi bilong ol em olsem ol i sot long kaikai long wanem haiwara i karamapim ailan i kamapim ol bikpela san i kukim graun long kaikai i kamap gut.

Tasol wantaim helpim bilong NARI na PNGSDP dispela bai strongim ol long stap gut.

Long statim projek long ailan, wok painim i kamap long las yia Jun we ol opisa i statim pinis long planim ol kainkain kaikai.

Dispela ol kaikai em ol i kisim long NARI Sauten Rijen Senta long Laloki, ausait long Mosbi.

Dispela projek we Manus Invesmen Pipels Asosiesen na provinsel Dipatmen bilong Agrikalsa i statim i kirapim laik pinis namel long ol manmeri long ailan long kamapim kaikai bilong ol.

Wanpela senta bai stap we ol atoriti bai putim ol kaikai na wanwan ol manmeri husat i laik planim kain kaikai olsem bai kisim na planim.

I gat bilip olsem kamap bilong dispela projek bai helpim manmeri long ol arapela ailan long Manus.

NARI i karimaut tupela nupela wankain projek we PNGSDP long i givim mani long Rabaraba distrik long Milen Be na Morehead long Westen Provins.



STRONGIM LAIP: Wanpela meri M'Buke mekim tapioka gaden. Poto:NARI

Gem i gat stail...



OL i save tok olsem Australian Rules Football (Aussie Rules) o AFL em i wanpela gem we i gat stail bilong planti ol arapela spot i stap insait long en tu.

Yu ken paitim bal long han olsem volibol, tromoi go daun long graun olsem basketbol, kikim bal olsem soka na tu takolim narapela pilaia olsem ragbi.

Ol i save kolim dispela gem tu olsem AFL we i sotpela rot bilong tok Australia Football League.

Dispela em mama asosiesen bilong dispela gem long Australia we i save lukaut olgeta ron na wok bilong dispela gem we Australia i save tok olsem i nesanel spot bilong ol.

Histri bilong gem

I nogat tok aut stret long wanem taim AFL i stat, tasol i gat ol ripot we i soim olsem i bin gat wanpela "foot-ball" gem i stap long 1841.

Ol i save pilai dispela kompetisen insait long siti na long kantri sait bilong Victoria.

I bin gat sampela ol gem i kamap long Adelaide na long Van Diemen's Land (nau Tasmania) long 1843.

I nogat tok klia long wanem kain loa na stail ol i bihainim long pilai dispela gem tasol i gat bilip olsem astingting na planti arapela samting bilong ol i wankain.

Ol gem i wok long kamap namel long ol Inglis pablik skul long 1858 long Melbourne na ol arapela distrik i stap klostu long en.

Namba wan gem tru i bin kamap long dispela taim em namel long Scotch College na Melbourne Grammar School long Jun 15 long St Kilda.

Long 1858, Tom Wills i raitim wanpela pas we ol i putim insait long wanpela megesin pepa; Bell's Life in Victoria & Sporting Chronicle.

Dispela pas i singaut long ol i mas kamapim wanpela "Foot-ball" klap o wanpela kain gem wantaim ol stretpela lo na stail bilong pilai we ol kriket pilaia i ken pilaim long taim bilong winta (winter) o ples i kol.

Planti savemanmeri bilip olsem dispela pas em i samting we i go pas long kamapim ol wok long mekim dispela nupela kain futbol gem long 1859 we yumi save tete olsem "Australian Football."

Loa na stail bilong pilai

Tupela tim i save pilai insait long wanpela AFL gem.

Wanwan tim i mas gat 18 pilaia insait long gem na 4-pela risev.

Namel long dispela 4-pela risev pilaia, tripela bilong ol em ol intasenis we i min olsem ol i ken go insait na kam aut gen.

Wanpela bai no inap senis gen taim em i go insait long kisim ples bilong wanpela pilaia long pilai graun.

Pilai graun bilong AFL em i bikpela moa long ragbi lig, union na soka na i nogat 4-pela kona olsem dispela ol arapela spot tu.

Em i longpela tasol i raupela wantaim 4-pela gol pos long wanwan het bilong en.

I gat tupela sotpela pos long sait na tupela longpela pos i stap namel long dispela tupela sotpela pos.

Long skoaim ol poin, wanpela tim i mas traim long kikim bal i go namel long dispela ol pos.

Namel long tupela longpela pos em 6 poin na namel long sotpela pos em wanpela poin tasol.

Long tromoi bal i go long narapela pilai, ol i ken kik o pasim han bilong ol na paitim bal i go.

Ol pilaia bilong narapela taim bai traim long kisim dispela bal taim ol i holim pasim o takolim ol.

Ol i ken resis long kisim bal tu long ol kik o taim narapela tim i tromoi go long wanpilai bilong ol.

Taim wanpela pilaia i kalap na kisim bal bipo long bal i tasim graun bai singaut "mak" (mark) na ol arapela pilaia bai no inap tasim em inap em i kik, tromoi bal o stat long ron gen.

I no save gat planti bikpela intanesenel tonamen i kamap bilong wanem dispela spot i no go long planti ol arapela kantri long wol yet.

Nau yet em i stap strong insait long Australia, Papua Niugini na wanwan hap insait long Pasifik.

Hagen na Wes Nu Briten.

Em i wok long gro i stap na i gat ol gutpela developmen program we i save salim planti ol yangpela pilaia i stap na pilai wantaim ol bikpela tim long Australia.

Olgeta yia, ol junia AFL tim bilong PNG, ol i kolim ol Bintang, i save go pilai long ol intanesenel tonamen long Australia na Pasifik.

Nesanel tim bilong PNG em ol "Mosquitoes" (natnat) na ol tu i save go long intanesenel tonamen long Pasifik na arapela hap long wol.

Ol Mosquitoes i bin winim AFL wol kap pinis na tu planti arapela bikpela tonamen insait long Esia na Pasifik rijen we i soim tru olsem ol gutpela wok developmen na program bilong ol i wok long kamap gut.

AFL i kamap long PNG bihain tasol long ragbi lig nay union tasol i wok long winim planti moa yangpela man-



Warwick Capper and planti arapela.

Mal Michael em wanpela pilaia long AFL long Australia tasol mama bilong em i bilong PNG na em i save wokbung wantaim PNG tu long kisim ol yangpela pilaia i go trening na pilai liklik long Australia.

AFL i ken i go bikpela yet olsem ol arapela spot long PNG sapos ol developmen program na wok bilong en we i wok long kamap nau, i ron gut yet.


Wanpela bikpela hevi bilong ol em ol gutpela pilai graun, dispela em i wankain hevi olsem planti arapela spot.

Ol wok promosen na aweanes bilong ol i mas kamap gut long skulim ol manmeri moa long dispela gem na tu pulim planti moa i kam long pilai na sapotim AFL.

Sapot bilong gavman na ol arapela bisnis tu i mas stap long strongim ol tim na pilaia long amamasim dispela gem moa taim ol i pilaim.

PNG i soim pinis long ol bikpela intanesenel tonamen olsem em i nap long winim ol arapela kantri wantaim ol stail na save bilong ol long pilai.

Dispela i mas i go moa yet wantaim gutpela ol program na developmen wok wantaim sapot bilong ol sponsa na ol wanwan manmeri husat i bilip long dispela gem.



PILAI GRAUN: Ol mak na sais bilong AFL pilaia graun.

Bilas bilong gem

Long pilai dispela gem, ol pilaia mas putim su bilong pilai dispela gem.

Dispela ol su em i wankain olsem ol su bilong ragbi na soka.

Ol yunifom siot bilong ol i gat sotpela han na trasis tu i sotpela stret.

Ol pilaia i ken i gat karamap bilong maus na het sapos ol i laik, dispela em bilong lukautim ol long noken kisim bikpela bagrap.

AFL long Papua Niugini

Nau yet, AFL i no kamap strong long planti hap long PNG tasol i gat ol bikpela kompetisen i save kamap long Mosbi, Lae,

meri long lainim na save long pilaim dispela gem.

AFL PNG em asosiesen we i save lukautim na ronim gem long PNG aninit long helpim na gutpela sapot bilong AFL long Australia.

Sampela biknem pilaia na tim

Planti ol tim bilong AFL resis long Australia i bin stap bipo yet long taim gem i stat na sampela em ol nupela.

Wanpela long ol klap i stap long taim tru em Collingwood Football Club (1892), Essendon (1871), Geelong (1859) na Melbourne Football Club (1859).

Sampela ol biknem pilaia long dispela gem em Mathew Lloyd, Brendan Fevola,



MAK: Wanpela pilai i kalap abrusim narapela long kisim bal na mekim "mak."

NRL tok Marshall i ken pilai

TIGERS faiv eit, Benji Marshall i kisim tok orait long pilai agensim Bulldogs long Mande wik i kam, long raun wan bilong NRL dispela yia.

Dispela tok orait i kamap bihain long ol polis i sasim Marshall las wik long em i paitim wampela man long Sande moning.

NRL i tok orait long em i ken pilai na wetim toktok bilong kot long wankain taim.

Bosman bilong NRL, David Gallop, i tok long Mande dispela wik olsem ol i kisim wampela ripot i kam long Wests Tigers na tu i mekim wok painim aut bilong ol yet long ol ples we Marshall i go long en long las wik Fraide nait na Sarere moning.

Dispela wok painim aut i soim olsem wampela hevi tasol Marshall i stap insait long en em long em i paitim man we ol polis i sasim em long en.

Gallop i tok ol i no painim wampela samting we i soim olsem Marshall i bin dring na spak taim dispela hevi bin kamap.

NRL i tok em i no mekim narapela hevi o bikhet pasin we i mekim em i kamapim dispela hevi we



HEVI: NRL i tok long Marshall i ken pilai na wetim kot.

ol i sasim em long en. Marshall, 26 krismas, husat ol i makim olsem pes bilong ragbi lig long dispela yia las wik tasol, bai sanap long kot long Epril 20 na i tok em bai pait agensim dispela sas.

"Dispela hevi stap long kot nau olsem na ol loya bilong mi tok mi noken toktok tumas long en nau tasol mi ken tok olsem mi gat tingting long pait agensim dispela sas," Marshall

i tokim wampela bung bilong ol niusmanmeri long Mande dispela wik.

"Mi lukluk tu long stap insait long Wests Tigers tim dispela wiken," em i tok.

Tigers kosa, Tim Sheens, i tok em i tru olsem Marshall bai stap insait long raun wan gem bilong ol Mande agensim Bulldogs long Sydney.

Sheens i tok tu olsem em i no ting dispela ol hevi

bai bagarapim tingting bilong Marshall long pilai gut.

"Long nau, em i wari yet long dispela hevi tasol mi save em bai no inap tingting tumas long dispela long taim bilong gem, em bai orait," Sheens i tok.

Em i tok, i gutpela tu long gem bai kamap long Mande bilong wanem em bai givim ol liklik moa taim long stretim ol yet bipo long pilai.

Ol skwat em; Canterbury Bulldogs: Ben Barba, Steve Turner, Josh Morris, Jamal Idris, Bryson Goodwin, Kris Keating, Trent Hodgkinson, Aiden Tolman, Michael Ennis, Sam Kasiano, Jake Foster, Andrew Ryan, David Stagg. Interchange: Mickey Paea, Frank Pritchard, Corey Payne, Ben Roberts.

Wests Tigers: Wade McKinnon, Lote Tuqiri, Blake Ayshford, Chris Lawrence, Matt Utai, Benji Marshall, Robert Lui, Bryce Gibbs, Robbie Farah (c), Keith Galloway, Liam Fulton, Gareth Ellis, Chris Heighington. Interchange: Tim Moltzen, Simon Dwyer, Andrew Fifita, Todd Payten

Stewart kam bek

■ i kam long pes 28

Manly kosa, Des Hasler i tok tu long ol nius ripot olsem ol i amamas long Stewart i orait na i kam bek long pilai tasol ol bai was gut long em tu long em i noken bagara-

pim dispela hap lek bilong em gen.

Long wankain taim, Melbourne i tok fulbek bilong ol, Billy Slater, bai pilai long dispela gem tu.

Slater i bin gat sampela hevi long sholda bilong em na i bin kisim opere-

sen long of sisen.

I bin gat bilip olsem Slater bai no inap pilai long sampela gem long namba wan hap bilong sisen tasol Melbourne i putim nem bilong em long tim bilong dispela Sarere.



2011 Telstra Primiasip dro - Raun wan

7:30pm - Fraide Mas 11, 2011



Roosters VS Rabbitohs



Broncos VS Cowboys



Sarere Mas 12
6:30pm



Titans VS Dragons



7:30pm



Warriors VS Eels



Storm VS Sea Eagles



Sande Mas 13, 2011
2:00pm



Raiders VS Sharks



3:00pm



Panthers VS Knights



7:00pm - Mande Mas 14, 2011



Bulldogs VS W/Tigers



TRIPLE

with bemobile!



Buy K5, K10, K20, K50 & K100 to TRIPLE!

Call Customer Care on 1555 or Email support@bemobile.com.pg



Valid to all topkads, Direct & ATM topup

offer ends midnight tonight

bemobile mipela bilong yu

Terms and Conditions apply